

良鄉縣志

子勳署卷

# 良鄉縣志卷之五

人物志

鄉賢 忠烈 孝義 耆老 僑寓 選舉 進士舉 貢表 封廕文 武衆途表 學校畢業生 列女

瓌寶之所蘊山水以爲光華神物之所憑澤藪以爲靈囿不必其程廣員較尋步也猶國邑以人材爲盛衰不在大小強弱貧富也雖然國邑之盛衰人材爲之人材之盛衰風教爲之耳藉也士之覽斯志者競勸於不朽之業雅歌棫樸風奏兔置則醫無閭之雄奇昭余祁之幽阻滹沱易水之源深而流長何必不在吾燎石一卷聖水一勺間也

## 鄉賢

賢士大夫生爲儀型歿可傳述古祭於社今祭於庠一也祀因乎賢賢而祀因傳賢而弗及祀亦傳從千百世下夷考其人蓋論定乃益昭大公矣夫醴泉芝草不擇地而生燕桂鄭蘭每應時而出矧良邑爲燕中都地古稱人物俱良賢豪生其間其樹勳立言垂不朽也宜哉茲所志紀祀也亦紀賢也

## 良鄉縣志

卷五 人物志 鄉賢

周

樂毅其先祖樂羊爲魏文侯將伐取中山文侯封以靈壽子孫因家焉樂毅賢好兵趙人舉之及武靈王有沙丘之亂乃去趙適魏聞燕昭王以子之之亂而齊大敗燕燕怨齊未嘗忘報樂毅爲魏昭王使於燕隨委質爲臣當是時齊潛王彊百姓弗堪燕昭王問伐齊之事樂毅對曰齊霸國之餘業也地大人衆未易獨攻也王必欲伐之莫如與趙及楚魏諸侯皆遵合縱與燕伐齊樂毅於是并護秦趙楚韓魏燕之兵以伐齊破之攻入臨淄盡取齊寶物祭器輸之燕昭王封樂毅於昌國號爲昌國君復使樂毅以兵平齊城之不下者樂毅留徇齊五歲下齊七十餘城惟獨莒卽墨未下燕昭王死惠王卽位齊田單聞之乃縱反間於燕惠王使騎劫代將而召樂毅樂毅遂西降趙封樂毅於觀津號曰望諸君後燕惠王悔使騎劫代樂毅以致破軍亡將失齊乃使人讓樂毅且謝之樂毅以書報燕惠王於是復以樂毅子樂閒爲昌國君樂毅卒於趙

晉

霍原字休明燕國薊人也少有志力叔父坐法當死原入獄訟之楚毒備加終免叔父年十八觀大學行禮因留習之貴遊子弟聞而共造焉父友同郡劉岱將舉之未果而病篤臨終勅其子沈曰霍原慕道清虛方成奇器汝必薦之後歸鄉里隱居求志篤古好學縉紳慕之委質受業者千里而應燕王月致羊酒高陽許猛素服其名會爲幽州刺史將詣之主簿當車諫不可出界猛歎恨而止還朝以原名聞擬之西河求加徵聘及劉沈爲大中正舉原寒素吏部郎李重奏應爲二品詔從之拔爲密書郎元康末以賢良徵累下州郡以禮發遣皆不到建興元年幽州牧王浚以父字處道爲當塗高應王者之讖謀將僭號聞原北州名賢使人問之原不答浚銜之時有童謠曰天子何在豆田中浚以豆有霍遂誣原與羣盜通殺而梟其首諸生悲哭夜竊尸共埋之遠近駭愕莫不冤痛

唐

李景略幽州良鄉人父承悅檀州刺史密雲軍使景略以蔭補幽州府功曹參軍大歷末客河中闔門讀書景略氣豪慷慨李懷光爲朔方節度使署巡官五原將張

## 良鄉縣志

卷五人物志 鄉賢

一一

光殺其妻以貨市獄前後不能決景畧覈實論殺之既而有若女厲者進謝廷中如光妻云遷大理司直監察御史及懷光屯軍咸陽反狀始萌將襲東渭橋召幕府計議景畧曰取長安殺朱泚散軍還諸道單騎詣行在如此臣節亦未虧功名猶可保也頓首懇請至於流涕懷光許之都虞侯閻晏等勸懷光東保河中徐圖去就懷光乃謂景畧曰擯者之議軍容不從子宜速去不且見害遣數騎送之景畧出軍門慟哭曰不意此軍陷於不義遂遁歸靈武節度杜希全表置於府累轉侍御史豐州刺史豐州當回紇通道前刺史輒柔每虜使至與抗禮時梅錄將軍入朝景畧欲折之因郊勞前遣人謂曰可汗新沒欲弔使者乃坐高壘待之梅錄俯僂前哭景畧卽撫之曰可汗棄代助爾號慕於是虜容氣沮索不敢抗以父行呼景畧自此回紇使至者皆拜於庭威名顯聞希全忌之奏貶袁州司馬貞元十年希全卒徵爲左羽林將軍對於延英殿論奏衍衍有大臣風河東節度使李說病以景略爲太原少尹行軍司馬時方鎮旣重故少召還者惟不幸則司馬代之自說有疾人心固屬景略矣會梅錄復入朝說大會虜人爭坐說不敢退景略叱

之梅錄識其聲拜曰非李豐州邪遂就坐將吏相顧嚴憚說愈不平賂中尉竇文場謀毀去之歲餘塞下傳言回紇南寇文場方侍帝旁即言豐州當得良將且舉景略乃拜豐州刺史天德軍西受降城都防禦使窮塞苦寒地瘠鹵邊戶勞悴景略至節用約己與士同甘蓼鑿成應永清二渠溉田數百頃儲廩器械畢具公私利焉景略用法嚴威令肅然聲雄北疆回紇畏之貞元二十年卒於鎮年五十五天下惜用景略才有未盡贈工部尚書

周

竇禹鈞與兄禹錫皆以詞學名唐天佑末起家幽州椽爲左諫議大夫致仕廣行陰德置義塾延名儒給衣食以教四方遊學之士生五子儀儼儼侃僖等相繼登科時號竇氏五龍馮道贈詩曰燕山竇十郎教子有義方靈椿一株老丹桂五枝芳

遼

楊績良鄉人太平十一年進士及第累遷南院樞密副使與杜防韓知白等擅給進士堂帖降長寧軍節度使徙知涿州清寧初拜參知政事兼同知樞密院事爲南

## 良鄉縣志

卷五人物志 鄉賢

三

府宰相九年聞重元亂與姚景行動王上嘉之十年知興中府咸雍中入知樞密院事二年乞致仕不許拜南院樞密使興宗以舊臣特召燕見論古今治亂人臣邪正方今契丹忠直無如耶律玠漢人則劉伸而已然熟察之伸又不如玠之剛介績拜賀曰何代無賢遇亂世則獨善其身遇明主則兼濟天下陛下陛下分邪正升黜分明天下幸甚八年六月甲戌封績爲趙王太康中以例改王遼西致仕加守太保薨

金

韓懿字偉之北趙里人登天會六年進士官至朝散大夫前安東節度判官騎都尉南陽開國男食邑三百戶賜紫金魚袋懿未第時亡命殘擾乃糾北趙村附近少壯捍衛鄉里賴以安

翟永固字仲堅中都良鄉人太祖與宋約攻遼以燕歸宋宋人以經義兼策取士永固中第一授開德府儀曹參軍金破宋永固北歸又中天會六年詞賦科授懷安丞遷望雲令補樞密院令史宗翰愛其能辟爲府椽永固家貧求外補宗翰不許

以錢三千貫周之薦於朝攝左司 中除武定軍節度副使歷同知清州防禦使  
入爲工部員外郎以母憂去官起復禮部郎中遷翰林直學士海陵纂立命副完  
顏思恭爲宋報諭使就令伺察動靜使還改禮部侍郎久之分護燕京宮室役事  
永固請寫無逸圖於殿壁不納俄遷太常卿考試貞元元年進士出尊祖配天賦  
題海陵以爲猜度已意召永固問曰賦題不稱朕意我祖在位時祭天拜乎對曰  
拜海陵曰豈有生則致拜死而同體配食者乎對曰古有之載在典禮海陵曰若  
桀紂曾行亦欲我行之乎遂與張景仁皆杖二十俄遷永固禮部尙書賜笏頭絛  
文金帶改永定軍節度使正隆二年例降二品以上官爵永固階光祿大夫不降  
以寵異之遷翰林學士承旨與直學士韓汝嘉俱召至內殿問以將親伐宋事永  
固對曰宋人本朝無釁隙伐之無名縱使可伐亦無煩親征遣將帥可也由是大  
忤旨永固卽請致仕歸臥於家大定二年起尙書左丞請依舊制廉察官吏革正  
隆守令之汙從之明年表乞致仕不許罷爲眞定尹賜通犀帶尙書省奏永固自  
執政爲眞定尹其繖蓋當用何制度上曰用執政制度遂著爲令五年懇乞致仕

## 良鄉縣志

卷五人物志 鄉賢

四

許之六年薨

梁斗南字拱宸良鄉人性穎悟工詩讀書閭山與同舍生論及鬼神斗南以爲不足  
畏同舍生日閭山廣寧廟汝能夜獨往乎斗南曰諾當擊其壁爲驗往則遙見殿  
上燈燭照耀聞曰丞相來燈燭盡滅斗南以筆塗殿壁間由門至北東隅暗中觸  
一物捫之則人也携以歸乃一女子有殊色問其故曰妾蘇州人因清明觀擊毬  
忽怪風晝晦昏暗中不省至此而爲公所救人皆驚異事聞詔以女配斗南生二  
子謂之天賜夫人云斗南登進士第一累官至河南都運有幹局長於吏事能剖  
繁治劇時輩服其通敏二子敬恭敬左司郎恭仕元世祖性行端潔寵遇甚厚官  
至金紫光祿大夫中書平章事

元

梁德珪字伯溫良鄉人年十一給事昭睿順聖皇后宮令習國語通奏對由中書左  
司郎中六遷至參議尙書省事執政入奏事帝詢其本末不能對德珪從旁辯析  
曉暢帝大悅拜參知政事是歲至元卅一年也在省久凡錢穀出納銓選進退諸

藩賜予或上命驟至不暇閱簡牘同列莫知所對德珪從容數語卽定間遇疑事則曰某事當如某律某年嘗有此旨驗之皆然京師地震世祖怪州郡報囚之數過多德珪曰當國者急於徵索蔓收延繫以至此爾帝悟爲赦中外逋負衆民賴以蘇大德元年爲中書左丞二年爲中書平章事務以安靜輔治求進者不得逞由是明聚興怨欲撫事中傷之初朱清張瑄以金帛賂貴近事敗御史杜肯構等言旺札勒等與二人交通宜罪之與巴延巴特瑪琳沁迭同罷明年復位杜肯構言巴延等樹黨受賂謫戍遠方道路相慶方今數月遽聞召復相位又與原鞫者列坐朝堂天下之人目巴延梁德珪巴特瑪琳沁爲三凶三凶不誅無以謝天下乞將羣凶或斥或誅明正其罪章數十上皆不報德珪以位居執政不受凌轢慷慨引咎遂安置湖廣帝疾愈問知之召使復位既至帝問卿安在德珪涕泣不能語賜酒饌使往拜其母因以氣疾乞骸骨歸大德八年九月卒於家年四十有六梁陟舉進士以名儒徵領燕京編修所事卒諡通獻先生

明

## 良鄉縣志

卷五人物志 鄉賢

五

趙錦正德丁丑進士歷官兵部尙書加太子太保功業詳墓誌銘

楊秦字濟之良鄉人生而英敏端慤不妄笑語爲兒時父問之曰汝志何如曰我欲爲御史父奇之遣就學讀書卽曉大義長爲弟子員弟子員皆弗若也正德庚午領順天鄉薦丁丑登進士第己卯除行人司行人武宗南巡秦率同列抗疏諫廷杖謫國子監學正嘉靖元年復任行人授福建道監察御史正色直言彈劾弗少避其奉勅陝西清戊也查盤軍器照刷文卷清審刑獄民用大悅先是抽丁補伍輒復散亡秦曰是貧所致耳迺察其殷富者使厚遺之貪吏冒逃卒以私餉者歲逾數千石秦信諸邊得其情俾悉償焉因奏建局除戍器又疏請惜人才以隆治化時少師楊石琮總制邊務一旦過陝講武病其器敝秦令悉易之石琮嘉之曰我軍固有恃哉三年復命攝四道事有囚當死託鄉人以千金賂之秦叱之曰我知其法耳不知其賄自是疏之議廟制劾禮官依違不決出爲四川按察司僉事平寇有功賜金綺蜀大饑廷議命藩臬二人賑濟皆曰非楊僉事不可乃周歷郡縣區處咸宜凡數月力憊而疾殆竟卒年四十八子守正守公守公性孝友嘉靖

三十一年應試薦時兄守正爲副守公白學院阮鶚讓兄應薦守正固辭守公固讓誠懇甚切阮爲之動容檄邑旌其閭曰孝友之門

清

張元樞良鄉人順治四年進士任浙江處州府推官嚴句引營兵賭博之禁按行屬邑踏勘荒田請蠲通賦時寇氛未靖間有株連輒宥之其他修學課士尤多善政處民至今稱之

楊之柄字伯梁號九春良鄉人順治十六年舉人除稷山縣知縣陞刑部主事簡甯波府知府爲人性直而通敏處事一以是非爲斷不徇人毀譽曰行吾心所安而已爲文疏宕有奇氣山東有黃家瑞者令良鄉奇其才厚遇之黃文力追兩漢少許可而獨心折之柄自以爲不及後移宰他邑招入幕其讞獄之文必假手成之嘗曰吾堂可無吏吾幕可無客其莅稷山也初下車聞前令賢慨然曰居官當如此矣稷經庠瘠後之柄殫心撫字不遺餘力其大者請蠲荒地通糧三萬餘減舊額之半編邑戶三十六里爲二十四里均役輪差以故賦薄徭輕民至今賴之其

## 良鄉縣志

卷五人物志 鄉賢

六

官比部也佐以經典所全活居多曹郎例分覽案牘一字失簡則有堂責人多厭苦之之柄封繳獨先同官每私託代直之柄欣然應之爲兀坐署中循閱無倦容曰吾卽以此練勤且諳習故事不猶愈乎故其守甯波也凡六年精密宏達處盤錯能迎刃解如除吏弊裁差擾折訟獄懲豪猾賑荒弭盜諸政罔不措理適如其尤難者舟山之役軍書旁午凡備糗儲芟造舟治甲百務畢萃於一身之柄目矚耳聽口答手揮環中四應不病民而事舉濟之柄初至郡時浙大吏欲廉某陰事之柄曰良令也保無他大吏又命監司示意必欲實其言之柄又曰不可令賴以全其持正不阿如此未幾以疾卒卒之日城門卒若聞呵殿而出者或云見之柄從騎入廟故民爲立祠至今尸祝之不忘焉事聞入祀名宦

徐肇興號曜靈生而恂謹寡言笑年十一喪父無伯叔兄弟惟母氏是依年十八入泮母年逾六旬肇興遂澹榮利家居務農以奉母承歡養志昕夕不離左右宗族以孝稱自奉甚儉卽布衣不敝盡不改作而遇事慷慨戚友中生養死葬無力者輒贖之邑有凶荒務謀賑濟全活無算歌頌見於道路假人財不立券常曰情重

錢輕償不償聽之斷不可留一紙書致後人索償以沒前情也生平黜華崇實接物以忠恕無間初終治家有條理舉動悉取法先民有子七或授詩書或教騎射使各有成就以故登甲乙科貢成均廩增附咸備年五十八一日觀戲歸方弄孫一臥不起其生平行事至今嘖嘖人口云

張炯字魯平號厚菴學者稱爲厚菴先生天性孝友早歲遭父喪哀毀骨立事母尤孝謹父歿事無鉅細悉稟命於長兄慷慨好義以濟困扶危爲已任家少儲積而宗族孤寡不能自給者悉贍之其問業師文安陳喬皇老而貧炯歲得館金悉以相奉喬皇歿并調其子孫館於常氏常有停柩三不能葬家不及中人產而負債累數千是年老壯三人歿於疫惟其徒景仁年十三僅存炯爲摒擋葬六柩償夙負撫景仁成立爲授室焉其友庠生吳信夫歿其子不才家頓落炯調其困且善教之卒克家年三十潛心性理學問無所不優尤能躬行實踐執業門下者百餘人貧者不責修脯且恆調之教人以忠信爲根本以莊敬爲規模以五倫五事爲實行講貫經史反覆發明使人體認以收實效晚年益歛英銳之氣漸入渾然持

## 良鄉縣志

卷五人物志

鄉賢

忠烈

七

心虛而見義必勇約以奉已濟物不少各接人嚴不使人憚和不使人狎蓋得於道者深也爲歲貢生候選訓導累薦不第母沒遂不應舉無子以姪孫三泰爲之孫年五十而卒里人聞而輟業及葬涕泣臨穴者四百餘家著有四書叢說待梓邑宰爲申請崇祀鄉賢

游觀第號杏村任家營人幼聰穎讀書別有會心及長受業張魯平之門學益進咸豐乙卯領鄉薦庚申成進士由知縣改就教職歷任順德河間廣平教授所至整學規端士習毅然以斯文爲己任一時名士皆從之游前後受業者不下數百人性而易與人交相待以誠無急言遽色而義利之界則介然不可犯任筱沅中丞知順德府時重其品學值大計吏以卓異薦得旨在任候陞後選授湖北廣濟縣知縣因病未赴旋卒於廣平任所年五十五歲生平講學以經術爲根本著述甚富有四書講義說詩錄古今體詩暨科舉文若干卷藏於家

## 忠烈



士大夫值多事之秋本期上衛社稷下保生民非僅以一死塞責也迨至事不可爲慷慨就義捐軀以報國家亦賢者之不幸矣然而俎豆旂常一息千古名重於竹帛賞逮於子孫以視夫碌碌庸庸終老牖下者其相去不啻霄壤非所謂死重於泰山與孔子曰殺身以成仁禮曰臨難毋苟免讀斯志者可以想見其人矣

明

王景正德四年流寇亂景代父從征至太和縣歿於陣

張其廉任陝西鳳翔府通判遷鄖陽府同知隨督師征流寇戰歿汴梁

侯鼎祿鼓腹屯人以賢良方正授山西霍州州判遇流寇之亂殉難

陳蠡測武舉崇禎二年大兵破良鄉與生員梅友松同時殉難

梅友松生員崇禎二年殉難

張子卿字君貴號調鼎石羊里人以賢良方正授山東濟南府陽信縣知縣崇禎壬午殉難癸未題贈奉政大夫山東題刑按察司僉事廕一子入監

史崇文大甯縣典史崇禎十七年城陷陣亡

## 良鄉縣志

卷五人物志 忠烈

八

孫文華字雲臺美化里人出行伍崇禎十一年任山海關守備十五年歸里十七年遇流寇十八騎於長溝峪紅門隻身抵敵殺三賊因失足爲賊傷戰歿

清

袁生芝明崇禎丙子科舉人任山西長子縣知縣順治初官商維道城陷自經死合門死者三十二人

楊三知字伯筠良鄉人順治三年進士任榆次縣知縣有惠政擢兵部主事陞本部郎中累遷神木道會提督王輔臣反邊將朱龍應之三知方以代覲還抵保德或止之曰事亟矣公無渡河三知不聽抵鎮日夜爲守禦計而守將孫崇雅開門納賊執三知命之降不從衆拔刃相擬脅取勅印又不與賊擁之至署三知給賊出急呼妻妾子婦悉投井中三知別赴一井賊偵之急負出之右臂已折而不死大罵賊不絕口賊閉之一室令卒環守仍誘之降一日夜不從賊怒闔扉驅人出其卒在戶外聞掙擊聲殷殷震牆屋三知罵賊聲乍高乍下久之寂然賊啓扉去則三知已死其室無完器三知體亦無甚傷不知三知若何死也事平贈光祿寺少

卿廕一子

侯國祥鼓腹屯人順治四年授真定鎮標守備勦賊陣歿

翁殿一良鄉營額外外委同治元年正月檄赴大名防堵捻匪北竄隨秦觀察聚奎帶兵進勦十一月初九日遇賊於桑何鎮迤南力戰陣亡

趙保昌武生良鄉營記名額外外委咸豐八年奉檄隨拱極營游擊李省躬出師揚州九年四月朔在六合縣野浦橋與賊接仗戰歿

蔡維先良鄉營記名額外外委咸豐八年隨大軍勦粵匪駐紮揚州一帶九年九月內在六合縣境接仗歿於陣

劉文瀾武童縣屬十三里村人同治二年六月內馬賊李明子等圖劫京餉知縣莊元端督兵捕拿文瀾率村衆往援力戰被戕嗣馬賊悉就獲上其事於朝得優卹

### 孝義

孝旨如醴泉國多孝則風雨時內行修休祥且自召焉聖人作經向北面而磬折

## 良鄉縣志

卷五人物志 孝義

九

目爲寶文邑有其人修懿行垂令譽紀之亦足爲簡冊光矣又或行義以公天下之利舉而措之行而宜之允堪振勵末俗表樹風聲烏可以弗傳舊志列目併爲一亦以見親親仁民本末賅斯爲完人矣今仍之

元

張誠字彥清良鄉人大德間嘗見遺篋於道舉以待遺者久之有張琮者行哭而至曰兄瑾非罪逮繫營贖亡此將並命焉誠以篋歸之後誠以六十無嗣後生一子聰慧過人年二十登第官尙書侍御史西臺中丞翰林學士

劉器之良鄉人五世同居聚族百餘復置義學延名師以訓鄉里英宗幸涿州臨其家詢以睦族之道器之對曰在義而已苟資財有偏厚衣食有所私皆爭端也誠能以義處之斗米尺布公其出納則宗族自睦英宗善其對賜金五十兩旌其門復其家

明

魏寰興州中屯衛人居父喪三日不食幾滅性既葬結廬墓側朝夕悲號形毀骨立

鳩鵲入墓爲巢鄉人歎慕咸以爲孝感所致

朱錦父輝早卒錦未幾歲母平氏守節不嫁上事舅姑錦成立奉祖父母必跪進食事母亦如之得美味不敢嘗必先奉祖父母而後奉母怡聲愈色順志承顏鄉人咸稱其孝

楊瑛興州中屯衛人父母疾革謂瑛曰爾兄弟無分居父歿兄弟求分財瑛佯許之乃他適數月方歸或問之瑛曰手足天性欲分者一時之私久之則友愛之情如故矣後兄弟屢欲分而瑛屢他適卒全父命及兄弟俱歿撫羣姪如子五世同居百口共爨年八十終教育子孫有方忠孝濟濟鄉國皆稱義門

楊舉興州中屯衛人嘗得遺金一囊還其人舉艱嗣是年生子人以爲陰德所致

楊守公名宦秦之子至性孝友嘉靖三十一年守公應試薦時兄守正爲副守公白學院阮鶚讓兄應薦守正固辭守公固讓誠懇甚切阮爲之動容檄邑旌其閭曰孝友之門

張銓號衡宇良鄉人性孝友蚤失怙恃事諸兄嫂如父母諸兄歿撫姪及孫曾同居

## 良鄉縣志

卷五人物志 孝義

一〇

如故宗族鄉黨無間言自奉至儉素而於恤孤濟難助婚殯死諸事則罔不竭力厚施甲子歲里胥張姓者有負於官至賣妾鬻子償之銓代爲完納使得復聚而絕口不道若惟恐人知者丙子兵變有甯得城郭世松等誤拾軍營遺牛兵官視爲奇貨所求不遂將殺之銓出資以贖其死戊寅兵馬雲集食不克給銓出穀五百石草三萬束有司列之奏章得旨給叙庚辰歲凶人相食銓煮粥賑之以存活者不可勝計遣人收拾遺骸作大壙數處理之後連歲被兵得脫皆有天幸嘗遇亂兵夾道弗之見值盜勒馬向之百方不前乃免又山行失足臨萬仞溪適一石橫出應手援挽而留人以爲厚德所致甲申大兵定鼎有司重銓德望數行徵聘銓力辭不就曰堯舜在上亟宜攀鱗附翼奈暮年善病得爲太平民足矣子錫卿字調鼎恩貢生甲申之變適他出聞寇掠人比餉痛心曰吾家有素封之名吾父定罹其毒急歸省視果然慨然曰吾父七十老叟何堪逮問我願以身代之及受刑夾木折繩絕終無怨言久之乃釋次調鷲舉賢良謁選山東信陽縣令銓勉之曰忠君愛民此日將見之行事矣壬午冬信陽不守殉之訃至銓曰吾兒忠君報

國得死所矣既奉旨褒卹贈如其官

清

李自貴字士元城西太平莊人母劉氏早寡自貴侍奉惟謹晨昏飲饌必親治起居扶掖未嘗少離母偶有疾手調藥餌乃敢進事無鉅細必稟命乃行自壯至老無敢稍拂親意母享年百齡自貴亦壽至七十八歲

宋得榮豐足里人與弟同居甚友愛得榮無子其弟有子八人撫之如已出尙義輕財每出必攜錢兩貫以施與道中貧乏嘗隨之行里中無力婚殮者多賴其攸助本村廟宇屢倡捐修葺某年冬自外歸見樹下一童子方投繯急解救詢係北京人姓葛名兆鵬因家難逃出無歸情急不欲生遂訪還其家俾骨肉完聚如初

劉大興字盛庵居東街事親至孝教子有方自奉儉約施與無吝色遇親族貧困者招之同居婚嫁事皆力任之又恆樂爲人解紛鄉里交頌其德道光元年恭逢御極覃恩賞給八品頂戴

陳福邑東南莊村人幼失怙恃家貧賴祖母撫養成立克盡孝養越三十餘年里黨

## 良鄉縣志

卷五 人物志 孝義

一一

無間言爲邑宰李所嘉獎恆給錢米周其困乏祖母年八十餘病歿盡變家產營殯葬孤身投石村藥王寺棲身聞者哀之

王鎮字銘樞居公村里十甲長楊村幼讀書稍長入紳肆學賈店主因折閱以店業鬻於鎮數載成巨富鎮復覓舊主歸其業道光十二年亢旱鎮出粟賑飢不計數不責償還遇瘟疫盛行捨藥施棺不少各深州孫姓歿於旅店鎮爲殯殮送歸其家邑中建修城隍廟三教菴及本村石橋工程皆鎮力任之

張富業居高舍里七甲幼業儒及長服賈奉母至孝誠敬無違同治六年邑紳公言於當事以孝聞賞八品頂戴是年八月卒年已八十二矣

陳尙義字遵疇詳之子居城北公村年十九入泮與房邑霍朗山孝廉友善間相與遊獵及母病遂痛自悛悔禱於神矢不復爲藥餌必手自煎衣不解帶者數月母愈不肯遠離依里門以舌耕爲業或三五日或十數日必歸省視館穀悉以奉甘旨嘗謂人曰人以子弟相託則終身之成敗係之本村有王姓聰慧家貧不能就傅尙義招入塾課之讀不取修脯卒成其名

張瀚字碧海歲貢生候選訓導廣陽里人幼聰穎弱冠遊邑庠食廩領宗師器之飭學官舉優行適父疾亟歸省同人阻之瞿然曰父病不歸事且不可爲人雖擢高第何貴乎遂不試而歸平居性嚴正喜排難解紛鄉人有爭端得公一言輒釋好爲義舉邑魁樓久圯集貲鳩工爲同人倡樓藉以成其他善行多類此晚年家居講學孜孜不倦後進有穎悟者不擇修脯飲食而教誨之成就者甚多尤精歧黃貧者疾每助藥餌資雖酷暑嚴寒延之罔弗至鄉鄰感之顏其門曰善被一方張銳字敬庵幼業舉子業曾應童子試因母失明晝夜侍奉遂輟業弟釗時在襁抱乏乳食常負之就鄰婦求哺焉性質樸治家勤儉可爲鄉里法見人有奢侈者必力戒之中年喪偶恐子女失所守義弗娶卒年七十八歲計鰥居三十六年矣魏瀚字海珊本城人幼時曾爲人傭書家貧無力從師因藉教讀以爲學父天祿性嚴峻恆不假以辭色瀚則起敬起孝奉父益謹旋應童子試縣府院皆名列第一清咸豐辛酉科拔貢已而襄辦縣中公事任勞任怨听夕不遑咸豐年間歲祲清廷發帑賑災瀚則獨任其難躬親發放胥吏無所侵漁鄉人德之縣中有大事暨

## 良鄉縣志

卷五人物志 孝義

一一一

一切興革事宜縣官必取決之每議事務持大體指陳利害語不及私以故出入縣署二十年未嘗以一言一事干謁縣官嗣以八旂教習分發山東代理高密卽墨等縣知縣所至有政聲尋歿於官瀚爲人崇尚實學力戒浮華教讀三十餘年於書無所不窺尤潛心於宋儒理學諸書剴繁茹精唯日不足嘗謂先賢語錄一息不能離人之存理遏欲遷善改過非由此入手不可生平謙沖謹厚與人無尤雖遇拂心事曾無疾言遽色律已以嚴御下以寬臧獲賤隸不忍斥其名藹藹然翼翼然也噫其斯爲篤行君子也歟

吳燾字溥存本城人性至孝善體親心母馮氏好施與燾仰承意旨備勉爲之人有以窮匱告者必獲所求而去或貸以錢米或分以田園嘗購藥多種廣爲施送歲費鉅資弗恤也親族中之孤寡者貧無以自存者則留養於家無德色必敬禮之人有乞貸者恆不爲立券或始立而終焚之人問其故答曰吾憐其貧不望其償吾縱不索還恐吾歿後吾子孫不肖留此以滋擾也天性忠厚待人以誠爲人謀則竭盡智能視人事如已事務令得當而後已嘗自謂一生碌碌無他長但自問

平日不欺人亦不自欺如是而已矣年七十三歲卒

李佩璋字耀廷住交道村清履親王府五品護衛天資穎悟氣宇軒昂當其幼家道中衰毅然以裕後光前爲己任性篤孝對族衆以義伯父李鳴鏡無依佩璋奉養之其堂姪李國英冲齡失怙教以讀書族姪李國憲讀書無力佩璋助以學資令與國英同學同年並入旗庠又於光緒四年在邑西故里紫草塢村以祖遺地基創建宗祠一所謹勒貞珉以垂永久光緒甲辰年以先世家乘久未繼修甚抱憾焉卽命其子國賓依法詳慎修訂光緒十年在本村購買商舖房一所志在日後爲本村辦公地點商之本村至戚秦煜至友劉廷秀協力出資以立爲交道公議局後改爲警察分所光緒十八年倡率本村畝捐一則興辦地方公益再則逮補草差徭役後來創辦女學卽以此爲的款呈請批准立案作爲女學經費該村女子得以識字者皆此舉之力也光緒二十三年本城重修聖廟爲監修紳董繼又勸告至戚王志在文廟迤東購買隙地一區獨力捐資創修節孝祠三間闔邑節烈之婦因此得享馨香光緒三十二年隣人劉啓源因修蓋房屋地不敷用佩璋

## 良鄉縣志

卷五 人物志 孝義

一一一

乃以庄窠地基一區慨然與之並商之村人游文光與立憑證且以示後人文曰其後不准違先人之命云云他如溫恤親鄰勉人爲善更僕難終矣佩璋孝義兼全鄉人得之遂公送匾額一方顏曰望重鄉閭云

張墉字槿垣五品銜文庠生縣城內羅府街人秉性溫雅取予分明幼孤與胞兄坦同居事之如父同族弟墉少而孤貧墉推食解衣扶之成立胞姊爲同邑薛英妻中年孀居家無儋石墉隨時補助數十年無吝容同治年間捻匪倡亂幫辦本邑團練且由光緒初年充任卓秀書院齋長歷有年所成就人才甚多十五年協修良鄉縣誌十六七年山水爲災協同辦賑二十四年重修學宮籌捐助工心力俱盡落成後由上憲加獎五品職銜且於是年順天府飭各縣捐收穀石存儲官倉墉身任其事原以備荒也不意二十六年竟爲拳匪攫去且受百般辱虐焉三十年改書院爲學堂墉創辦一切且兼成立巡警局習藝所等事以爲一縣之表率一生友愛忠勤無少缺陷故至今城鄉猶思慕之卒年六十有七

張達字伯周歲貢生丁各莊村人其先世居琉璃河鎮幼從父雲翰讀書志行醇謹

不與諸生同遊戲每有操作必身先之見人不善輒色變且性至孝能曲體親心  
年二十以第一入邑庠次年父以疾卒哀毀骨立幾不欲生厥後家貧無以自給  
乃訓童蒙於本村廟中課餘之暇輒專意經史雅不好時文事母愉色婉容甘旨  
無缺而自食蔬糲有茅容之風光緒二十六年聯軍入境村人逃避一空達侍母  
疾不離左右日進湯藥無缺母卒百計求得殮具以葬服闋後適保定法政學校  
初立令各縣選送學員士林共舉達充選舉業後不樂仕進仍回本縣歷充勸學  
所所長暨高小與女學教員籌畫學款開通風氣呈請減免闔邑草差達與有力  
焉且操行耿介自奉儉樸敦品勵行鄉里欽重村中每有忿爭得達一言以釋故  
本村中數十年無訟爭茅屋數間雖筆墨屢空晏如也中華民國四年卒時年五  
十有三

徐汝弼邑庠生於清光緒二十九年永定河西岸決口所有桃村務滋以西三十餘  
村盡成澤國黎民待哺經汝弼協同馬春元李玉田張廷獻等奔走京師哀懇資  
善堂熊餘波於被災之處設立米廠全活無算洵義舉也

## 良鄉縣志

卷五 人物志

孝義

耆老

一四

楊俊號傑三武庠生六股道村人光緒庚子之亂敗兵逃勇四竄搶掠俊辦理本村  
團練保護村莊禦侮折衝晝夜不懈村人賴以安全因勞嘔血而卒至今鄉里稱  
之

呂清望字師臣邑庠生琉璃河鎮人少工制藝爲同學冠一時文名藉甚性至孝善  
體親心嘗慕陸象山王陽明孫夏峯之爲人中年而後潛心理學乃棄科舉而窮  
究陸王孫三先生之書躬行實踐粹然儒者其嘉言懿行足爲鄉里矜式迄今猶  
稱頌弗衰云

吳鳳麟本城東街人清光緒二十六年拳匪肇亂聯軍入城彼時鳳麟因老母失明  
隨侍在側不忍遠離遂殉難

## 耆老

古者貴德尚齒視學崇年公卿奉杖大夫進履凡所以尊養之者典至渥也衢巷  
之叟山澤之遺非必求顯於世而年彌高則德彌邵天錫以遐齡蓋有由矣可弗

傳歟特世遠人湮不能遠稽惟就見聞所及備錄於篇庶幾老成典型於茲未墜可爲鄉望之一助焉

清

蘇之表 陶村里人

任朝輔

何秉智 興州屯人

徐懋官 豐足屯人

唐 澄 興州屯人

唐 澂 興州屯人

李文質 廣陽里人

吳江鱣

芮廸祥

鵠應存

鄭登霄

劉天貴 北召里人

孟吉兆

張九鵬

李占鼇

劉萬德

孫廷昌

楊鳴訓

侯 桐 以上皆舊志所載事實無攷

### 良鄉縣志

卷五 人物志 耆老

一五

楊彭年南洛村人卒年八十二

賈文煥石村人好濟貧恤難年九十六猶強健如少壯人以爲好善之報云

李國棟字隆吉石村人幼穎異嗜學能文年十九應童子試學使亟賞之取入泮家無儋石儲不以介意雖釜甑生塵讀益勤書聲琅琅若出金石名噪庠序執經請業者戶外屢常滿晚年學益純粹以明經終

張諭字曉川邑庠生居太平莊性伉爽慷慨尙義凡救患捍災務引爲己任年既邁好善益力常爲本村建義倉春借秋還貧苦賴以不困復設義塾里中貧不能讀者多就學焉其條教甚嚴學者多所成就鄉里欽之光緒十三年公送義被一鄉匾額

鮑玉田字蘊山鮑家莊人性敦篤不與聞戶外事朝夕下帷讀顧屢薦不售貢成均以授徒爲業教人以崇實學黜浮華士多歸之晚歲益澹榮利閉戶自精足跡罕至城市云

王廷佐字興邦城南長社村人弱冠赴童子試冠其軍父母早亡遺薄田一頃廷佐



晝出耕耘夜輒鍵戶讀負大志卒不售時人多惜之顧家貧不屑屑爲升斗計遇貧苦恆樂施濟雖屢空猶事揮霍至老不倦年逾古稀以諸生終

黃連貴石羊村人年八十有八精神矍鑠居恒赴田中作苦以倡率家人家頗裕雖年邁不敢少暇逸素性樸直自奉甚儉約遇善舉輒樂解囊鄉鄰有匱乏恒貸以錢米俟秋備工償之戒家人曰人有乞錢行利於我者有則與之勿取息取息則償還愈難矣其忠厚勤儉之風至今鄉人樂道之一姪兩孫並列膠庠

趙方石羊村人年八十有七有田數十畝皆躬自耕耘暇猶傭工於本村人咸稱之曰矍鑠哉是翁

閻燦歲貢生候選訓導幼穎悟讀書過目輒不忘弱冠食廩餼秋試屢薦不售遂絕意仕進里居講學成就甚多壽八十終

見秉政城內人同治年穆宗謁陵賞以養老銀牌壽八十

薄雲從城東水碾屯村人壽九十四

董順水碾屯村人壽九十五

## 良鄉縣志

卷五人物志 耆老

一六

賀村水碾屯村人壽九十

李常山水碾屯村人壽八十九

曹鳳洲石羊村人現年八十五

黃承宗字蘭亭石羊村人忠厚存心處世和睦奉親至孝家自立塾凡貧不能讀書者皆招之入學不取學費且施還魂丹藥數十年不少吝壽七十六終

劉永彬字均甫歲貢生梨村人行年八十三身體強健動作自如孝慈兼盡講學成就亦多鄉里咸慕之以爲德壽兼備者此翁也

張肯堂縣城內人爲人誠篤樂善好施精神健旺至老不衰以子濂貴誥授四品封典年八十二以壽終

楊長山字伯巖存心古樸賦性惇誠舉凡一動一言無不以浮囂詐僞爲深戒居家以勤儉爲本教人以忠孝爲先故兄弟凡九人共處一堂各篤友于之愛子姪十人一人延師課讀均成遠大之材皆長山之力有以成就之也至今九世同居科甲鼎盛鄉里榮之年八十六以壽終

尹順琉璃河鎮人爲人居心謹慎處世謙和平日率家人教子弟必以勤儉爲本讀書不多而其立言行事每與往聖先賢之旨暗合歿年七十六歲鄉里無不惜之呂樑監生琉璃河人現年八十一歲步履康強孫曾繞膝性天渾厚與世無爭善處家庭藹然和氣弟植亦年過古稀精神矍鑠白頭昆季杖履追隨疏水相安不求聞達亦一鄉之善士也

劉國泰在城耆民也清光緒三十年十月皇太后七旬萬壽奉旨准其隨班祝嘏得有執照

王鈺長陽村耆民也清光緒三十年十月初十日皇太后七旬萬壽經禮部具奏奉旨准其隨班祝嘏九十歲以壽終

孫文斗大北柳子村人務農年一百零四歲終

### 僑寓

宋元郡縣志不列流寓一門而入鄉賢輓近志例始列僑寓今因之寓公固不乏

## 良鄉縣志

卷五人物志 僑寓

一七

人非賢不足錄也

明

郭璋字廷圭領順天鄉薦登戊辰進士授刑部主事晉員外郎致仕嘉靖七年邑宰王公文秀以禮敦請至良主講數年多所成就卒葬於邑家焉

郭秉聰字子愚號良山上林苑籍領正德己卯順天鄉薦登嘉靖丙戌進士第由庶吉士改工部營繕司主事晉員外郎光祿少卿右通政己亥致仕家居生計蕭然不以爲慮授徒講學自爲舉子至謝政四方從游之士數百人因才施教曲爲成就掇科登仕內而臺諫省外而郡邑藩臬爲時聞人者先後相望焉卜築舊店以居

劉宇揚四川人萬歷年舉人公車數上俱寓城南魯村立志甚堅不得第弗作歸計詩文膾炙人口兩弟宇烈宇亮俱任翰林皆引例爲兄迴避崇禎年仕昌平道僉事

吳鍾巒字巒樾江南武進人久著文名累試不第及廷試詣京設帳邑南崇禎癸酉

領鄉薦甲戌會試中式四方多所成就授浙江長治知縣陞南京禮部主事有文集行世

清

劉國重遼東順治元年冬住居本境慈善存心處家和睦排人之難調人之急輕財重義樂於施捨每遇人困苦輒生惻隱心殆其天性然與康熙八年鑿輿幸其地面爲嘉獎所當著之邑乘爲好善者勸也

謝客雲南昆明縣拔貢翰林謝履忠之子也爲吾良邑令卸任後與琉璃河貢生楊某聯姻因卜居於琉其後遂入良籍其曾孫良玉字溫如吾良名士也少年採芹中年食餼天資穎悟品學俱優書法擅長應酬不暇家居教授曲盡栽培出其門者類皆純品爲鄉鄰排難解紛一言而人皆感服蓋平日之景仰者深也韋布終身一鄉稱祭酒焉

選舉

良鄉縣志

卷五人物志 選舉

一八

士欲表見於世舍選舉無由顧得失盛衰因乎所遇匪可強也然苟能興起於學通經好古以修策名之實挾榮世之資則開涇鬱樹風聲豈異人任哉連茹彙征表儀方夏直俟其會耳雅有之思皇多士生此王國良固今之豐鎬也雲漢在上榛楛在下跂予望之

晉

霍原詳鄉賢

後魏

公孫質初爲中書學生遷博士超遷尙書追贈中護軍將軍光祿勳幽州刺史廣陽侯諡曰恭

公孫表拜尙書郎後爲博士復爲吳興將軍廣州刺史

隋

楊讓

唐

李景儉德宗貞元十九年爲翰林學士

李景略工部尙書詳鄉賢

尹秦廣陽里人御史大夫寧州刺州

尹厦廣陽里人幽州節度押衙中散大夫檢校驃騎將軍兼侍御史

尹績光義村人幽州節度衙前兵馬使銀青光祿大夫檢校太子賓客兼殿中侍御

史山北七軍檢巡口鎮使

尹佐績之子開成間官雄武將馬步都將銀青光祿大夫檢校國子監祭酒兼殿中

侍御史上柱國

尹漢賓佐之子官太僕

宋

翟永固經義策第一詳鄉賢

遼

楊績太平十一年登進士第詳鄉賢

### 良鄉縣志

卷五人物志

進士舉貢表

一九

韓夔北趙里人登進士第朝散大夫賜紫金魚袋

金

梁斗南登進士第一累官至河南都運詳鄉賢

韓懿登天會六年進士南陽開國男詳鄉賢

元

梁恭斗南次子中書平章事詳鄉賢

梁德珪參知政事詳鄉賢

梁陟進士詳鄉賢

以上按舊志備載以下自明始列表

### 進士舉貢表

明	進士武進士附	舉人武舉附	恩拔副歲優貢
洪武	癸六年十 山西道御史	張誠	王進 戶部郎中

良鄉縣志

卷五人物志 進士舉貢表 二〇

傅好禮

河南懷慶府教諭

魏淡

保定縣典史

李凱

陝西華州訓導

張林

二十九年子

張紳

知縣

毛玉

蘇太

陝西延安縣典史

永樂

張崑

三十年子 山西平陽府推官

張士

六年子

李進

陝西宜陽縣縣丞

殷崑

工部屯田司主事

王輔

山東平度州判

祁富

九年子 刑部主事

蘇林

河南衛輝府通判

李誠

江南丹徒縣知縣

蕭本

李擴

十二年子

劇復

唐敏

盧州府英縣主簿

辛綬

鴻臚寺序班

劉忠

嚴州檢校

李英

尙忠

朱璿

禮科給事中

張恕

新野縣縣丞

張忠

縣丞

良鄉縣志

卷五人物志 進士舉貢表

一一一

正統  
丙辰年劇復  
給事中

景泰

陳謀  
知縣  
毛通  
知縣

郝繼隆  
州同  
蘇霖  
通判  
鞏宜  
山西榆次縣知縣  
翟迪  
知州

天順

侯諫  
知縣  
趙瑄  
長史

魯禧  
都事  
高巍  
州判

成化

二十三年  
丁未辛  
禮

高裕  
教諭  
辛禮

石琮  
經歷  
陳厚  
經歷  
申斌  
知縣

胡贊

劉選  
訓導

尚賓  
知縣  
耿清  
州判  
王昇  
訓導  
侯賜  
主簿

良鄉縣志

卷五人物志 進士舉貢表

南 <small>縣丞</small> 玉	劉 <small>主簿</small> 聚	鞏 <small>吏目</small> 敬
-----------------------------	-----------------------------	-----------------------------

高 <small>州判</small> 舉	謝 <small>學正</small> 嵩	毛 <small>訓導</small> 銳	鍾 璿	石 <small>縣丞</small> 盤
-----------------------------	-----------------------------	-----------------------------	--------	-----------------------------

正德	丁丑十二年 <small>詳鄉賢</small> 楊	庚午五年 胡	魏 <small>教諭</small> 寰	王 <small>訓導</small> 麟
趙 錦	秦	昭	秦	秦

辛巳十六年 胡	癸酉八年 趙	邵 <small>教諭</small> 昱	崖 <small>知縣</small> 鉉	王 麒	謝 <small>訓導</small> 文達	魏 <small>訓導</small> 瑄	陶 <small>訓導</small> 禮
昭	錦	錦	趙	趙	趙	趙	趙

嘉靖	癸未二年 <small>一甲二名祭酒</small> 王	乙酉四年 <small>山西潞城縣知縣</small> 王堯卿	崔 <small>訓導</small> 堯	王 暉
教	教	卿	堯	暉

良鄉縣志

卷五人物志 進士舉貢表

一三三

楊 譽 字謙之

庚子十九年 毛 沂

楊 臣 主簿

徐 傅 訓導

許 宏 知縣

張 天鈞 訓導

王 澤 經歷

楊 守植 靜寧州州判

任 槐 范縣知縣

張 魯 樂平縣知縣

姚 希賢 學正

謝 文振 教諭

樊 彥文 教諭

魏 儲

李 唐 主簿

趙 中立

吳 秉智

王 龍



良鄉縣志

卷五人物志 進士舉貢表 二四

魏東山

縣丞

楊守正

固城縣知縣

楊守公

合水縣知縣

李洵

孟縣知縣

馬良

訓導

宗賓

訓導

侯建功

訓導

蘇守

訓導

任相

大同左衛訓導

劉寵

謝天敘

張九思

李沛

登州府訓導

張鑑

侯學詩

楊尙大

臨洮府教諭

萬曆

陳與音

按察使

楊守魯

陝西布政使司右布政

己卯年 楊尙約

乙丑年 章維寧

年二十八 張治統

浙江嘉興府府通判

良鄉縣志

卷五人物志 進士舉貢表 二五

天啓

乙丑年  
苑囿蕃  
廣西道御史

四十六  
年戊午  
苑囿蕃

楊尙清

汝寧府教授

楊三聘

兩當縣教諭

馬思恩

張治具

張時雨

秀水縣丞

陳萬化

王前奏

張國光

馮守愚

趙光前

王懋中

徐應選

朱之屏

張名世

張其志

涿水縣訓導

顧所聞

字性如  
南寧府通判

王嘉獻

侯嘉胤

崇禎

丙子袁生芝  
山西長子縣知縣

十二年楊之柄  
己卯

前清 進士 武進士附

舉人 武舉附

恩拔副歲優貢

順治

乙酉楊三知

楊三統 恩貢  
字建吾中城兵馬司指揮

張元樞

王秉樞 歲貢  
字化垣山西安邑縣知縣

丙戌楊三知

丙戌張璟 字光重  
江西道監察御史

唐淮  
字泗濱廣西平樂府同知

丁亥張元樞

丁酉苑育蕃

蘇之屏 歲  
字翠石福建建安縣知縣

張元榜

顧鼎植 拔貢  
字象三廣西南甯府通判

良鄉縣志

卷五人物志 進士舉貢表 二六

蘇文 歲  
字君實保定府安州學正

袁奇 恩  
字振韓山東博興縣知縣

張命卿 歲  
字三台晉州訓導

張楣 恩  
字式班湖廣臨武縣知縣

孫光前 歲 字玉堂

張冲斗

張之澄 拔貢 丙午副  
浙江分水縣知縣

張珽 歲  
字正伯教習山東邱縣知縣

康熙

癸卯年 張之英 武舉

字雄高

丙子年 張 標 武舉

張祖淳 武舉

字爾樸雲南南平彝守備

張星煥 武舉

字泰徵

蔡芝生 歲

字鍾瑞教習考授通判改選浙江理問

甯有質 歲

字彬映山東平原縣丞

袁生蘭 恩

字曉仙山西垣曲縣知縣

馮爾猷

楊之機 字野春

高鴻讚

顧 燦 拔

字文昭

劉上達

良鄉縣志

卷五人物志 進士舉貢表 二七

楊 煜

真定縣訓導

李基元

唐建中

張 璨 字天章

李應起 字搏鵬

秦敏秀 字鉉之

見 聖 字懋修

李天培 字雲栽

丁未年 李天漢 武舉

十一年 楊學嗣

字二甫知縣

李嘉會 武舉

良鄉縣志

卷五人物志 進士舉貢表

二二八

雍正

李天漢

恩賜武進士

四年杜伯鉅

五十三  
年甲子 陳

璠

張元德

見堯字希唐

張翰字文侯

張士選字貞先

徐瑛字光若

陳璠字煥若

高景行字跋公

乾隆

十六年  
辛未 王應元

王應元

科分無考

李吉人  
武進士

三年  
戊午 芮基  
字子厚

張志純歲

閻攀桂副貢  
庚寅科

保定府完縣訓導

楊植副貢  
癸卯教諭

閻攀龍丁酉拔  
井陘縣教諭

李宏謨歲

山西候補知縣

喬德亨己酉  
拔貢

臨城縣教諭

二十六  
年辛卯 朱廷荃

武進士

原任湖南衡州協副將

八年  
癸酉 楊廷楷

雲南南寧縣知縣

壬午 朱廷耀  
武舉

衛守備

庚寅 劉溶

辛卯 楊希炯

福建清流閩縣等縣知縣

良鄉縣志

卷五人物志 進士舉貢表

一一九

嘉慶

丙辰年 朱常泰  
原官內閣中書典籍文淵閣檢閱萬安祿米等倉監督

戊午年 閻 懋  
河間故城縣教諭保定府教授  
甲子年 孫 錦

楊松年 歲貢  
王 震 歲貢  
候選訓導

七年 朱常春 武進士  
原官御前侍衛福建汀州鎮左營遊擊

喬德馨

閻維城 拔貢  
汪廷璧 歲貢  
薛大猷 恩貢  
候選教諭

道光

十九年 趙祿保  
己亥 浙江候補道

鄭吉祥 拔貢  
候選教諭

二十三年 果漢源  
年癸卯

王之臣 歲貢  
候選訓導

二十四年 高步濤 字仙洲  
年甲辰

郭 順 恩貢  
候選訓導

王殿元 武舉

趙祿保 拔貢

二十六年 張 淇 字竹坡  
年丙午

閻 燦 歲貢  
候選訓導

己酉 閻廷桂  
廣平府威縣訓導  
朱廷蘭 武舉  
德州衛守備

五十七年 朱常河 武舉  
廣西新泰協中營都司  
五十九年 楊希賢  
年甲寅 山東東阿樂陵等縣知縣

朱常慶  
湖南桃源桂陽等縣知縣官至慶遠府  
六十年 朱常泰  
乙卯

咸豐

癸丑年 果漢源

號文瀾吏部驗封司主事陸員  
外郎

庚申年 游觀第

順德教授卓異選授湖北廣濟  
縣知縣

游鳳岐 字曉峯

大挑二等選易州學正

二十九 年己酉 劉文熊 武舉

孟廷賀 歲貢

候選訓導

乙卯年 游觀第 字雪門

徐 端 字南村

同治七年保加五品銜同治辛  
未科大挑二等選授奉天府教  
授

長 俊 乙卯副貢

張齊禮 歲貢

候選訓導

魏 瀚 辛酉拔貢

教習分發山東知縣

徐 竣 武舉

李青雲

良鄉縣志

卷五人物志 進士舉貢表

三〇

同治

癸亥年 徐 竣 武進士

欽點藍翎侍衛差滿以都司用  
同治八年選授廣東南雄協中  
軍都司

壬戌年 長 俊

十二年 癸酉 許芳欄  
號馥亭

劉 純 恩貢

候選教諭

徐 靖 歲貢

趙維熊 歲貢

候選訓導

楊耀山 優貢

朝考一等以知縣用

果彥文 歲貢

張文智 歲貢

張雲第 恩貢

惠 榮 優貢

光緒

丁丑年 惠 榮

內閣中書俸滿截取江蘇同知  
特保知府歷任甯夏南甯府知  
府兩權道篆

九年 晉 榮

官甘肅通渭伏羌等縣知縣

十二年 丙戌 魏延齡

原名振遠號致堂戶部雲南司  
主事

甲午 張 濂 字蓮溪

兵部主事截取直隸州知州分  
發河南民國保薦免試知事任  
用涉縣知事

丙子年 魏振遠

惠 榮

八年 壬午 陳 琇

晉 榮

十一年 乙酉 仲 榮

游從順 武舉

定 榮 癸酉拔貢

山西榆次交城文水等縣知縣

薛 蔭 癸酉拔貢

字召棠候選教諭

李有年 丙子副貢

候選教諭

田淑清 歲貢

劉鳳信 歲貢

劉繼庭 庚辰副貢

張 鈞 優貢

山東荷澤縣知縣

仲 榮 歲貢

良鄉縣志

卷五人物志 進士舉貢表

三一

趙書春 武舉

恩科 已丑 呂 植

辛卯 張 濂

吳士傑

滿城縣訓導

薛錫成

德國留學光緒丙午法科舉人  
商部七品小京官

鮑玉蘭 歲貢

劉 儒 歲貢

游觀易 歲貢

陳 僂 歲貢

王翰元

張紹堂 字衣言

苑景星

游開第



良鄉縣志

卷五人物志

進士舉貢表

三二

游觀武

劉文義 以上歲貢

魏士倫 乙酉拔貢  
字子明

劉永彬

張熙 字子昭

徐 靖

崔慶雲 字見五

李玉成

陳 璞 以上歲貢

劉錫華 丁酉拔貢

左 珍 恩貢

見之深 字理泉

游從仕 字輔廷

張 達 字伯周

徐汝礪 字泰如

張 潭 以上歲貢  
字月波

宣統

權世恩

譯學館畢業獎勵舉人外交部  
主事署理僉事

張福謙

測繪學校畢業獎勵舉人

呂蘊華 副貢

張蔭堂 歲貢  
字柳坪

謝芳檀 己酉拔貢

謨爾根寶 全上  
山西州判

趙鳳桐 全上  
安徽縣知事

李玉田 恩貢

張澍 恩貢

吳鳳鏞 歲貢大學  
專門畢業

福建漳浦龍溪等縣知事調陞  
廈門稅厘總局局長

閻從仁 歲貢

良鄉縣志

卷五人物志

封贈恩蔭表

三三二

封贈表

明

明

楊琮

以子秦貴贈監察御史配宗氏贈孺人

趙通

以孫錦貴封山西布政司右參政配孫氏封淑人

趙宣

以子錦貴封山西布政司右參政配任氏贈淑人

張尙賢

以子鑰貴贈昭信校尉錦衣衛百戶配陳氏贈安人

清

清

張明卿

以子鑲貴贈中憲大夫江西道監察御史配周氏贈恭人

袁象乾

興安道生芝之子以殉難蔭任泗州知州

恩蔭表

趙世祿

尚書錦之姪以獲奸細功蔭錦衣衛百戶

張 思聰

環生父以環貴贈中憲大夫江西道監察御史配陳氏  
贈恭人

楊 繼元

以子之柄貴贈中憲大夫浙江寧波府知府配劉氏贈  
恭人

顧 所聞

以子鼎植貴贈承德郎廣西南寧府通判配陳氏贈安  
人

徐 灝

以孫竣貴封昭年都尉配喬氏封恭人

徐 肇興

以子竣貴封昭武都尉配支李陳杜四氏封恭人

侯 欽

以孫筠貴封文林郎

侯 德榮

以子筠貴封文林郎

孫 紹文

以子達貴封文林郎配楊氏封孺人

楊 焜

榆林道三知之子以殉難廕任廣東瓊州府儋州知州

良鄉縣志

卷五人物志 封贈恩廕表

三四

王 鎮

以子殿元貴誥授武德騎尉配楊氏封宜人

魏 珊

以子延齡貴封朝議大夫配張氏封恭人

魏 天祿

以子瀚貴封文林郎配謝氏封孺人

楊 廷梅

以長子希炯貴封文林郎

楊 廷貴

以胞姪希炯貴封文林郎

長 山

以從弟邑哈納貴封朝議大夫

長 傑

以從弟長垣貴封承德郎

長 馨

以子惠榮貴封奉直大夫

魏沂 訓導士儒父地封奉直大夫配薄氏封宜人

吳燾 訓導士傑父誥封奉政大夫配孫氏封宜人

文職衆途表

明

張其廉

陝西鳳翔府通判陞鄖陽府同知隨督師征流寇軍前監紀戰歿汴梁

李宗禮

初任崑山縣丞陞大同府經歷

辛昂

正統年主簿

王倉

主簿

武職衆途表

明

馬讓

燕谷里人由錦衣衛校尉總旗任儀衛典儀累官大寧前衛指揮同知

傅鑑

陶村里人由金吾衛士累功陞本衛指揮同知

高晉家兒

燕谷里人由義勇衛士累功陞本衛指揮同知

鄭德

永豐里人由金吾衛士累功陞本衛指揮同知

良鄉縣志

卷五人物志

封贈恩廕表

三五

談元

縣丞

魯恭

縣丞

王容

縣丞

許默

以上天順年

霍信

縣丞

武毅

主簿

楊倫

檢校

顏暉

主簿

王大

以上皆洪武二十四年有功陞授重義里人累陞本衛指揮同知

張牛兒

石羊里人前所百戶

李興

美化坊人所百戶

薛得

路村里人前所百戶

任剛

路村里人前所副千戶

成亮

路村里人前所百戶

高名

永豐里人前所百戶

邢智

重義里人前所百戶

孫	同知	舉	梁	序班	弼	魯	縣丞	銘	陳	主簿	世	享	張	兵馬	世	卿	侯	照磨	淡	夏	主簿	尙	文	馬	縣丞	智
---	----	---	---	----	---	---	----	---	---	----	---	---	---	----	---	---	---	----	---	---	----	---	---	---	----	---

趙	檢校	相	侯	知縣	瀾	徐	以上正德年	鑿	張	經歷	桂	侯	經歷	涇	侯	主簿	繼	芳	張	同知	廷	桂	趙	泗州吏目	廷	璧
---	----	---	---	----	---	---	-------	---	---	----	---	---	----	---	---	----	---	---	---	----	---	---	---	------	---	---

良鄉縣志

卷五人物志 文武衆途表

路	廣豐里人右所千戶	通	張	重義里人前所百戶	峪	孟	永豐里人左所百戶	梁	兒	魯	石羊里人右所百戶	齊	孟	公村里人前所千戶	興	李	公村里人右所百戶	善	盧	公村里人後所百戶	德	劉	公村里人前所百戶	海
---	----------	---	---	----------	---	---	----------	---	---	---	----------	---	---	----------	---	---	----------	---	---	----------	---	---	----------	---

安	廣陽里人留守中衛中所副千戶	雙	兒	顏	興禮里人鳳陽留守	忠	任	永安里人中都留守右衛後所百戶	貴	袁	高舍里人錦衣衛校尉訓馬司百戶	海	郭	錦衣衛校尉陸中所百戶	斌	孫	高舍里人錦衣衛校尉陸中所百戶	玉	馬	以上皆洪武二十五年	忠	馬	錦衣衛校尉陸左所百戶	忠	高	錦衣衛校尉陸後所百戶	升
---	---------------	---	---	---	----------	---	---	----------------	---	---	----------------	---	---	------------	---	---	----------------	---	---	-----------	---	---	------------	---	---	------------	---

張繼厚  
經歷

趙金  
知事

徐行  
縣丞

宗國正  
西城兵馬

徐溥  
曹縣主簿

陳文獻  
南城兵馬

張鎔  
序班

顧所養  
隰州判官

張銓  
序班

宋可畏  
吉州吏目

張思聰  
序班

高廷弼  
序班

李芳春  
吳江縣知縣

張孔昕  
吏目

張其盛  
中書

張孔浩  
縣丞

郭濬  
義勇衛士陞金吾衛右所百戶

韓榮興  
北趙里人義勇衛士陞前所千戶

以上係永樂年

楊勇

興州中屯衛人鎮撫舍人因武功卓著正統十四年通文者俱授文職仕至湯陰縣主簿

楊守愚

興州中屯衛人錦衣衛陞前所百戶  
嘉靖年

孟繼守

錦衣衛旗衛陞本衛百戶  
萬歷年

張橫

萬歷年人

張鑽

石羊里人東京侍衛將軍擒張差有功誥封昭信校尉  
錦衣衛實授校百戶係在泰昌年

南可久

錦衣衛旗衛陞本衛千戶指揮僉事  
天啟年

孫文華  
詳忠烈任山海關守備

良鄉縣志

卷五人物志 文武衆途表 三七

王來賓  
主簿

張棟  
典史

蘇鏞  
大使

邵俊  
司獄

郭廷秀  
大使

南漢  
典史

侯仲文  
典史

常往  
巡檢

良鄉縣志

卷五人物志 文武衆途表 三八

邵璋  
大使

李萬增  
巡檢

梁繪  
吏目

張思賢  
大使

郭廷璽  
大使

霍魁  
大使

張朝仁  
典史

羅鎮  
吏目

張 大使 鏞

大使

焦 廷 霄

典史

蘇 鈿

大使

趙 麒

大使

施 信

典史

陳 貴

大使

段 繼

大使

張 大 綱

大使

良鄉縣志

卷五人物志 文武衆途表

三九

以上係舊志年分無考

劉 硯

北京西城兵馬指揮使

劉 孚

主簿

孟 敬

吏目

申 峪

山東濟寧州吏目

侯 隰

吏目

王 政

知縣

翟 迪

吏目

以上七人永樂二年有功生員舊志載入武功今摘要於此



清

張之甲

州同  
順治年

張星烺

州同

李嘉采

縣丞

張之發

縣丞

張樾

縣丞

李若泓

縣丞

張椿

主簿

清

朱國璽

順治三年兵部勤勞考滿十六年推授江南鎮江府守  
營協鎮中軍守備

侯國祥

順治四年授真鎮標下守備

杜明德

由行伍陞提標中營守備

翁璧

高舍里人由武生陞拱極營磨石口汛把總

張文發

高舍里人由行伍陞霸州營都司

閻維甸

由行伍陞香山營守備

楊懋

咸豐四年以行伍投効軍營立功奏獎以儘先參將即  
補賞花翎副將銜統帶宣化府練軍馬隊

良鄉縣志

卷五人物志

文武衆途表

四〇

張星煜

縣丞

張星燾

縣丞

張孔昕

以上康熙年  
湖北鹽法道

黃文

州同

郭會極

學正

梅光玉

州同

李宗益

州同

孟如陽

縣丞

哈豐額

由驍騎校陞固安縣防尉

王海

寶店把總

宋奎毆

縣丞

劉之麟

縣丞

張調鼎

張應良

張齡敷

主簿

何潛龍

典史

韓世登

巡檢

翁世洽

巡檢

良鄉縣志

卷五人物志 文武衆途表

四一

孫躍龍

巡檢

侯筠

知縣

薛元松

咸豐三年辦理文案保以縣主簿儘先選用

武瑞

典史

孫有志

太常寺署正

薛元柏

候選巡檢五品銜

長馨

咸豐元年由廩生報捐內務府筆帖式十年爲夷務設防乞假回良鄉辦團同治五年卞京兆抽查保甲以急公耐勞聞於上加苑丞升銜七年馬賊竄擾王京兆道出琉璃河以辦團有法賞津倉米四百斛八年以助勦鄰境馬賊功議叙五品頂戴

楊可雲

典史

張鈞

字力廷光緒己卯科薦舉孝廉方正朝考用知縣分發山東

錦榮

文生員候補內務府筆帖式

耆榮

文生員候補內務府筆帖式

孫達

候選中書科中書前任河間府學訓導

吳士英

廩貢候選訓導

巴杭額

字蓉鏡由禮部員外郎保送知府簽分直隸宣統元年代理保定府知府卸任後嗣因辦理東西兩陵大差妥協保奏俟補實缺後以道員補用先換二品頂戴

良鄉縣志

卷五人物志

文武衆途表

四二

金玉良

由貢生報捐筆帖式欽加五品銜歷任戶部庶務司主事度支部漕倉司主事

魏士儒

廩貢青縣訓導

瑞璋

吏部筆帖式

馮寬

江西南康縣巡檢

魏光蘭

法部主事

長宜

戶部主事

文藻

字鳳池由貢生報捐筆帖式籤分吏部歷任文選司銓敘局主事

王賢

字竹巖保奏過班知事民國九年代理無錫縣知事現任省公署咨議

中華民國

中華民國

閻恩榮

陸軍少將二等大綬嘉禾章晉給二等大綬寶光嘉禾章二等文虎章一等五星警察獎章特等司法獎章前任江西全省警務處處長兼省會警察廳廳長現充江蘇督軍公署諮議

李綿

文生員北洋陸軍學堂畢業歷充排長副官營長民國十二年授陸軍礮兵上校陝南鎮守使署參謀長

謝亞安

原名芳檀前清拔貢河南補用州判民國十一年薦任江西省會警察廳警正

孫洪澤

陸軍第十三混成旅一團二營營長

閻蔭棠

任江西九江警察廳廳長

張乃光

警佐

閻超元

京兆經歷

李成華

警備隊稽查

白熙麟

歷任江西省南昌進賢梨川各縣警佐

良鄉縣志

卷五人物志 畢業生

四三

謝瑗

歷任江西南城永豐等縣警佐

謝琦

江西補用警官

閻子卿

歷充江西高安進賢等縣警佐

學校畢業生

科舉停而學校設學校設而人才興我良雖彈丸小邑然靈秀所孕毓必有懷奇抱異之士出乎其中將來為國之楨知匪異人任也茲將畢業各生列表於後以備覽焉

大學校畢業

- 許言午 吳濬 吳棻 張廷華
- 褚鏘 朱超漢 見琴

法政專門學校畢業

張達 趙鳳桐 宋榮 見恆 馬伯勳 郝金印

軍官學校畢業

李綿 張壽齡

中學校畢業

吳棻 許言午 王澤 杜永祥 宋榮 郝金印

見恆 吳楨 翁瑞昌 見琴 王鴻儒 高正中

高至元 趙凱 何全立 李浚 李濤 李春旭

馬伯勳 李文元 褚鏘 魏文治 孫光甲 德倫布

吳濬 吳澂 張書紳 閻桂 劉澤 王基蔭

張甫田 強志賢 楊桂 薛思勤

高等師範學校畢業

陳國貴

良鄉縣志

卷五人物志 列女

四四

初級師範學校畢業

趙權 陳國霖 蘇九如 王達 許榮恩 馬廷傑

賈釗 孟憲斌 張建元 李玉田 李城華 白青雲

劉廣信 許榮第 謝振聲 祁廷梁 韓溥 張國柱

宋深

甲種農業學校畢業

李園華

列女

劉向列女傳美刺皆書范曄志史因其名取美刪惡史家宗之雖體制間殊要以播徽音勵頹俗爲主舊志以烏林答氏取冠卷首而才行高潔冰節可風者亦悉載焉茲就聞見所及續列於後

金

烏林答氏葛王烏祿妃時海陵王淫亂召妃妃曰我不行必殺王我當自勉不以累王也行至良鄉縣驛自縊後因名固節驛云

元

王氏費隱妻隱有疾且死屬曰我家貧子女雖妾所生無異汝出也遂歿氏居喪撫其子女既而子又死服除謂其親屬曰嘗聞夫乃婦之天今夫已死子又歿我生何爲乃執女手曰汝已稍知人事管鑰在此汝自司之遂相抱痛哭是夜自縊周氏邑人魏成妾也成五十乏嗣娶周生一子後成疾周事之甚謹成歿周甫二十歲服闋親戚咸勸其嫁周曰烈女不更二夫妾肯事二姓乎力耕織養姑三十餘年事聞詔旌其門

明

婁氏鼓腹屯朱清妻也年二十夫卒守節四十七年詔旌其門

周氏厚俗里張桐妻年十八生子繼厚甫三月桐卒周苦節四十年訓繼厚讀書入成均

## 良鄉縣志

卷五人物志 列女

四五

張氏興州屯衛吳恕妻恕行商卒於外張生一子父母欲改嫁之氏曰夫病不及視湯藥恨不能死忍棄其孤耶以死自誓撫子達十六歲娶孝廉謝鬻女生一孫達又卒謝氏年十九人勸之嫁謝曰吾姑孀居老無子終養吾卽子也若棄之何面目相見於地下乎遂婦姑同室寢處及壽終墓產靈芝一本人謂節孝所致子秉智充歲薦孫棲鳳邑弟子員以高等食餼

王氏中屯右所千戶劉瓚妻年二十生二子瓚卒氏甘貧守節以嚴厲自持閨門整肅時人有女中丈夫之稱撫二子成立及孫大節皆繼襲祖職事聞詔旌其門楊氏舊店人李信妻事舅姑孝謹信收迷失女子爲妾寵之待楊寢薄楊執婦道不衰後妾成訟信繫獄楊乞貸錢米餽食其年獄解後信疾卒弟征謂母曰何以葬兄母曰嫁汝嫂氏聞之觸牆而死

張氏劉奉妻也年二十二甫生一子鏗奉卒後鏗卒氏撫二孫堯卿堯臣成立生曾孫數人年八十二壽終鄉人歌之曰甫成佳配二三載獨守霜幃六十年

楊氏中屯衛魏仁妻年二十七甫生子鎮兒仁卒楊養姑撫子閨門嚴肅雖弟姪姻

親不假以詞色冰蘖之操凜然七旬卒

張氏中屯衛楊泰妾也泰四十喪子妻侯氏請置妾泰不從強爲納張生子守仁甫三歲泰卒張時二十二勸之嫁以死自誓事侯如母年七十有五卒鄉人賢之何氏太學生楊春妾也妻李氏年踰四十無子爲夫納何生子守拙夫婦俱喪何氏年二十五族人憫其少欲奪志何誓死守節教子成人年五十以疾終

宗氏王堂妻宋宗澤之後也年二十堂卒子都方在襁褓人勸之嫁氏曰辱先之行吾忍爲乎冰霜之操久而彌厲子都卒撫孫道兒尤艱苦人不能堪八十方卒

楊氏中屯衛楊璫女適錦衣官舍王珣年三十歲生一子鑑兒珣卒依弟姪居舊店里中苦節堅貞壽八十

張氏年十六適中屯衛百戶沐眞二十二生子保兒眞卒守節四十八年治家教子冰蘖肅然年七十歲直指使者房公霸兵憲孟公交檄邑宰榮其門以貞節旌之張氏石羊里人張鴻臚銓之女適房山縣顧冊村段逢曦甫數旬曦卒氏欲自殺不克乃稱疾不食父母及諸姑勸以餌藥佯應之不食七日而卒

### 良鄉縣志

卷五人物志 列女

四六

清

高氏高舍里張守身之妻孝事翁姑教子悉成名邑宰吳旌其門曰節孝雙全直指吳額其堂曰貞耀儀宗

張氏石羊里張予卿之女適房山縣庠生王明生方三載生沈疴不起執氏手訣曰汝娠生男賴爾撫育幸矣若生女可奈何氏曰生男固善不幸生女則隨於九原耳夫沒哭之慟人勸以全孕乃稍節哀旣而生女氏悲痛幾絕母趙氏強慰之曰女亦夫遺體也何善視之矧吾孤嫠撫汝非易可勿念乎氏泣曰兒旣爲人婦身非已有欲事母不可得矣自是水漿不進口晝夜悲哀嘔血而卒監司邑郡同旌其門

于氏石羊里張授卿之母躬操井臼內外協和教育子孫辛勤不怠洵嫠中之足稱者

李氏興州衛庠生陳思牧之妻苦守艱辛勤勞教子次男方靖入泮按台旌其門曰慈節

朱氏美化里魏光胤之妻保赤守節遇賊遇兵遇荒皆瀕死而邀天幸終能教子有成以母氏兼師道

劉氏路村里成朝品之妻甘心守節育幼成人洵婦中之貞一可嘉者

鄧氏路村里張承楊之妻孝順公姑守節不變

袁氏永豐里生員楊九皋之妻公姑與夫相繼亡氏殯葬盡禮且撫孤訓讀游泮食餼有守有才爲鄉人所稱

孫氏興禮里蘇廷棟之母善事公姑訓子游泮

吳氏辛莊里王維新妻十九歲夫故事姑育子至六十而卒四十年苦節凜然

見氏陶村里魏天良妻三十歲守節子女俱無以女工度日事奉公姑婦代子職以壽終

張氏石羊里生員張燦之女十四歲適蔡樹瓊爲妻隨翁之任因夫故哭泣絕食意在殉夫百方勸慰莫能解翁諭以伯子繼之氏答曰所天不祿尙復何謀遂病沈不起一片冰心千古爲烈

## 良鄉縣志

卷五人物志 列女

四七

魏氏琉璃河楊國璋妻刲股以療公姑沈痾因之以愈孝婦也邑宰詳本道耿批孝誠可格給匾以示獎勵可附之節烈爲婦道訓也

張氏興州屯唐澎之妻原任陽信縣知縣張予卿之次女夫卒無嗣繼姪爲子訓以義方旋入泮苦節自貞蓋以母道而兼師道者

傅氏丁酉科舉人張元榜妻苦節四十年教三子成立長焜食餼次煇次樓俱游泮錚錚有聲

白氏廩生甯國璧繼妻國璧卒時氏尙年少貧無恆產撫育子女專務績紡以供衣食每至糠粃不厭鶉衣百結閨門寂寞節操凜然歷四十餘年如一日

胡氏鼓腹屯董文明之妻青年喪偶家貧無依以女工自給苦節三十餘年卒能教子就學列名庠序亦閨中之卓卓者

劉氏美化里武童孫紹武妻夫故氏年二十九遺一子尙幼氏痛絕欲殉夫屢經救免矢志堅貞撫孤成立苦節三十四年卒年六十二

王氏賀照雲村正藍旗梁永泰妻年二十二守節無子以伯子梁何爲嗣家業寒微



撫孤子以自立本府賀憐其苦節爲旌門閭無何梁何病沒妻孫氏年二十七生一子世福方在襁褓田宅數畝僅自給迨世福稍長爲授室遽卒妻孫氏撫一子梁吉方三週一門三婦節凜冰霜鄉里咸欽重焉

王氏王家莊王俊次女適房邑小店村梁姪夫沒年未二十翁姑以無子勸改適氏矢志守節伯僅一子在襁褓許再添丁爲立嗣越數年伯氏亡姊姒共撫孤兒兒授室後幸舉一孫零丁孤苦氏備歷艱辛矣

陳氏大紫草塢村李鳴鐘之繼妻也年二十一夫亡時姑老子方周歲家固儒素繼而貧窶益甚氏仰事俯畜心力俱瘁孀姑沒勉營殯葬撫子以至成立苦節四十九年咸豐十一年以壽終

陳氏米糧屯村馬芳妻年二十六夫故遺子女俱幼穉茹苦守節始終不渝六十九歲卒

王氏年十七適東關楊福享爲妻上事翁姑孝養無缺旋翁與夫相繼沒氏時年二十四無出且家徒壁立父痛女無依勸改適孀姑亦以其年少不欲留氏誓死不

## 良鄉縣志

卷五人物志 列女

四八

貳繼而父強以女許人受聘後喚歸告知氏佯應之曰父母之命不敢違惟改嫁他姓亦當詣故夫墓祭別父信之遂歸卽日至夫墓致祭痛哭不已抵家拜別孀姑乘便自縊鄰里趨救氣已絕矣年二十九歲貞烈之操死不可奪邑宰李公勒石墓前以褒揚焉

史氏庠生周紳妻夫故堅志守節四十三年冰雪清操久而彌篤

于氏庠生周瀚妻夫亡撫孤守節二十七年卒

張氏在城廩生薛岱妻拔貢生薛蔭之高祖母也乾隆三十年夫故年三十歲有子五俱幼家無恆產或勸貫所居屋以自給氏曰吾撫育諸孤將舉舊門閭而光大之忍自吾身棄之乎自是衣食所資皆仰給於十指更刻意居積供諸子讀書之費後少子大猷食餼由恩貢就教職餘亦各有成立八十三歲無疾而終奉旨旌表

宋氏豐足屯吳荃妻也乾隆四十二年荃故遺二女氏年二十二歲事孀姑撫幼女含辛茹苦志節凜然卒年八十九歲

方氏駐防甲兵福林布妻事翁姑至孝乾隆五十六年夫故氏年二十六歲子多罕尙幼甘貧守節矢志不移後多罕娶妻汪氏不數年以疾卒遺子女各一汪亦青年守志以節孝聞方於嘉慶二十年旌表汪於道光二十年旌表

高氏武庠生見瑞妻瑞故於乾隆五十二年氏年二十四歲無所出亦無恆產甘心守節賴夫姪秉政奉養氏每日除操作外以讀書自遣卒年七十有一計苦節四十七年

張氏在城民人翁瑾妻瑾故於嘉慶十五年時氏年二十九歲子殿良甫六歲安貧守節事姑以孝聞殿良娶妻李氏旋於道光十六年故遺子二長銓次錚李年二十八歲相繼守節事孀姑孝養尤至嗣咸豐八年銓以疾卒妻邵氏亦青年守志三世孤孀一門貞節

辛氏在城民人張玉佩妻湖北鹽法道張孔昕玄孫婦也玉佩故時氏年二十九遺子女各一翁姑俱七旬兼有鰥居之叔翁寡居之胞姊一門老弱孤苦不可言狀氏貞操自矢事衰親撫弱息喪葬嫁娶艱苦備嘗道光十二年氏年七十三歲奉

## 良鄉縣志

卷五人物志 列女

四九

### 旨旌表

楊氏在城民人魏明妻戶部主事魏延齡之叔曾祖母也嘉慶九年夫故氏年二十八歲無所出翁姑俱七旬承顏養志俾堂上無喪子憂節孝兼全道光十五年奉旨旌表

杜氏南梨園陳富妻夫故時氏年二十四歲撫孤守節艱苦備嘗計守節五十餘年卜氏在城駐防防守尉堆棲女道光二年夫患痲疾氏晝夜侍奉許持長齋兼典質妝奩爲醫藥資六年夫故氏無所出矢志守節二十七年本管詳請旌表

董氏在城翁理妻十九歲歸理事孀姑以孝聞道光九年理故氏無出甘貧守節以紡織餬口姑沒卜葬如禮卒年四十二歲

張氏在城民人尹文德妻道光二十年文德故氏年二十六歲無出甘貧守節事翁姑孝養備至翁故竭力殯葬後姑年登大耋氏亦享年七十餘人以爲節孝所感云

劉氏任家營庠生游祥宇妻嘉慶六年祥宇故氏二十四歲無子以胞姪鳳濱爲嗣

卒年六十二歲

周氏長楊村王越妻越故於道光十二年氏矢志靡他計守節四十餘年

楊氏涿州楊秀亭女十七歲歸琉璃河文童呂清福爲妻生子一清福旋以疾終時氏年二十三歲哀毀過甚而侍奉翁姑不改常度恐其傷親心也卒年五十二歲子桐邑庠生

張氏黃辛莊武庠生閻志誠妻道光九年氏十九歲歸志誠十六年志誠故氏無出甘心守節計四十餘年

楊氏其善女在城民人馬亭之妻道光二十年亭故遺子女各一氏年二十九歲兄嫂哀其孤孀勸令改適氏以死自誓後子女均成立計守節四十餘年

王氏馮瑞妻生員王翰元胞妹也性賢淑孝敬精女紅瑞遠賈塞外日奔走荒沙白草間遂嬰疾歸纏綿數載王周旋藥鏹茗火無幾微隋容及病殆衣不解帶數月禱於天願以身代割臂肉和藥以進卒不起僅一女亦隨殤時氏年三十伯氏以貧勸令嫁王以死自矢十餘年自食己力竭十指之資以奉孀姑孝行苦節里黨

### 良鄉縣志

卷五人物志 列女

五〇

無間言伯有一子擬兼祧未婚而殤伯氏亦卒姑婦三孀且乏嗣茶蘖同甘亦可哀已

陳氏崇各莊民人張芳桂妻年二十三于歸時孀姑年逾八旬多病陳相夫侍湯藥維謹數年無惰容姑沒哀禮兼至三十二夫故家貧矢志守節二子俱幼督讀不少姑息長熙入泮食餼次煦習吏事皆成立以壽終光緒十三年旌表

蘇氏蕭家莊武生宋光先繼室幼識文字守女誠二十于歸事翁姑以孝稱二十二夫故家漸落蘇刻苦自勵孫濟川方五歲卽教以讀書皆親指授計苦節四十餘年

楊氏仙芝妻夫沒時氏年二十二歲以夫從子春煦爲嗣矢志不二守節三十七年卒

王氏南洛村羅文妻王居敬女文故時氏年二十三矢志守節冰蘖之操歷久彌堅卒年七十三

李氏年十九適永豐里崔惠爲妻克盡婦職二十九夫故以舅姑在堂二子國治國

璽俱幼不敢身殉矢志苦守事畜無缺教家以勤儉四世同堂子孫昌熾至九十歲以壽終

董氏琉璃店武義都尉董徵之女領催楊希禮妻年十五于歸事孀姑克孝相夫以敬順稱夫沒氏年十九遺孤二齡冀爲夫延一綫撫養備至雖縫浣亦不假僕婦手姑素患痰疾氏侍湯藥親抑搔歷數年如一日族黨賢之享年七十有一守節五十二年

任氏年二十適張文煥爲妻三十歲夫亡子增年甫三歲家無儋石氏忍死不改適終事衰翁撫幼子成立艱苦彌貞計守節四十年

姚氏武舉人姚齡女同科武舉人姚瑞姪女也年十九適文童王連元爲室王多病氏調護維謹結縭未三月夫沒姚矢志死靡他冰霜之操凜然四十八歲卒

孫氏五姑美化里文童孫琦女性敏慧七歲嗜學偕弟紹文讀於家塾至十一文義通達喜呂新吾小兒語朱子小學列女傳孝忠經五種遺規諸書冬月誦讀尤勤十三於四子書毛詩內外傳註三禮書易春秋悉能解悟旁涉唐宋以來詩古文

## 良鄉縣志

卷五人物志 列女

五一

詞及帖括近體詩均過目成誦每作文不加點兼考究書法又好讀史有手抄通鑑節要全函惜遺失僅存殘稿八本未梓十四遭父喪遂廢讀家貧藜藿不充佐弟筆耕傭書以奉母溫清以禮定省無缺許同邑竇店鎮張氏子博文好學年十六偶患寒疾遂不起孫矢志堅貞誓不改字是年母亦染疫焚香禱天願以身代刲股和藥以進母遂愈侍疾計月餘湯藥親嘗衣不解帶憂勞成疾病篤囑弟紹文當孝親植品窮居安分得志行道恭敬爲懷無忝所生又囑母撫子爲要勿以女沒過傷言畢遂逝得年十七因未嫁附葬西郭外祖塋之側後其弟紹文一如所教孝敬無違且恆以利濟爲心鄉里稱善人知貞女之感被深矣

李氏水碾屯庠生薄元勳妻夫故氏年二十八因謂人曰夫亡子幼翁姑之所賴者惟吾而已於是躬代子職力謀奉養務得堂上歡心嚴訓子清儒讀名列膠庠年七旬猶聰健如常

王氏興州屯文童喬鳳岡妻幼讀書深曉大義年十九于歸家貧隨夫幕游河南因逆匪竄擾流離靡定奔至葉縣夫猝病沒遺一女在襁褓零丁無依氏忍死守節

盡鬻衣飾器具間關千里攜幼女扶柩歸鄉里營葬畢家無立錫地藉針黹爲生  
活女旣長擇婿嫁之煢煢孤嫠歷久不改貞操

劉氏廣陽里謝懷玉妻年十九于歸二十三夫故有遺娠不敢殉孝事翁姑撫幼子  
寬成人守節五十餘年

李氏張謝村錢信妻十八歲于歸二十五夫亡遺一子甫三齡矢志堅貞賴紡織以  
謀朝夕今翁姑沒子已成立計守節四十餘年

劉氏年十九適興州屯李琨爲妻夫故矢志不貳事翁姑孝謹教子以義方五世同  
堂孫曾蕃衍享壽至期頤焉

薛氏薛元桐女辛莊里三甲李春芳妻年十九于歸夫故遺子均在髫齡安貧守節  
三十餘年

王氏公村鄭連妻年二十七夫亡矢志守節年逾六旬長子廷璽卒婦范氏方青年  
遺孤僅數月范拾菜採薪以謀朝夕更勤針黹以養孀姑及次子廷玉稍長念母  
與嫂守節艱苦欲令姪讀書成名以爲報苦無資遂傭工以備脩脯一門清節人

## 良鄉縣志

卷五人物志 列女

五二

咸欽之

馬氏琉璃河竇榮妻年十七于歸二十四歲夫故無出夫弟尙稚弱家無恒產馬竭  
力謀菽水奉養翁姑人咸稱之

蘇氏居福善屯年十八歸文童劉璧爲妻二十九夫故無出家極貧子身苦守賴女  
工以自給守節三十餘年

陳氏興州屯劉義妻十八歲于歸恪盡婦職事翁姑以孝稱年二十八夫故遺孤二  
齡矢志守節晨昏之奉務得歡心後翁姑相繼逝竭力營殯葬如禮後子讀書入  
邑庠

雷氏任家營吳廷琦妻年三十撫孤守節備極艱辛四十年如一日

閻氏鮑家莊鮑成德妻琢縣閻鳳岐女成德故氏年二十七矢志不貳孝慈兼盡守  
節四十九年

張氏厚俗里武庠生閻志和妻年二十九夫亡矢志守節無出夫弟俱年幼氏孝事  
翁姑一家薪米之奉悉仰給之繼翁姑沒夫弟武功以疾卒遺一子仲魁其妻祁

氏亦矢志守節二十餘年同甘荼苦人稱雙節張氏後以姪仲書爲嗣

李氏常聯誠妻居城南路村夫故無子苦志守節三十七年

關氏年二十四夫故無子以姪長海爲嗣苦節三十餘年

杜氏厚俗里高占魁妻于歸七月夫嬰痼疾遽沒翁姑年高夫弟占陵幼弱惟恃勤操作爲晨夕奉以姪維新爲嗣教養兼至繼而翁與嗣子皆病沒孤棲茹苦迄無怨言卒年六十五

徐氏常鴻妻徐世傑女于歸後克相其夫二十七歲夫故矢志守節奉翁姑克孝撫子女成立年八十餘以壽終

臧氏交道村庠生張煊妻臧思德女夫亡孝事舅姑撫孤守節三十六年

徐氏莊頭村左泰妻庠生徐世傑女年二十一夫故事親教子孝養兼至年八旬以壽終

徐氏王俊妻年十八歸興隆莊王夫故後堅志守節且善治生家僅自給恒樂施與生平不苟言笑冰霜自矢尤爲衆口交稱舉人徐南村爲請旌事在同治十年

### 良鄉縣志

卷五人物志 列女

五三

王氏王殿純妻年二十一歲夫沒無出篤志自勵守節已逾四十年

王氏張殿舒妻年二十三夫故無出堅守苦節三十九年

孫氏周景山妻夫故家無恒產苦志守節歷五十三年

王氏適趙夫故無子堅志守節三十年

馬氏適王夫故無子家貧紡績自給守節二十三年

成氏年十五適李永榮居北白村十九夫亡堅志守節事翁姑教養幼子鄉里以賢孝稱

劉氏夢隆女北白村程憲利妻年十八于歸二十九夫故家無儋石矢志苦守且朝夕謀事畜終始不渝

張氏文生宋延齡妻年十九歸宋相夫守婦道二十九夫故堅貞守節奉事翁姑誠敬如一教二子均列膠庠卒年七十九計守節五十年

曹氏楊錦榮妻涿州文童曹蘭女錦榮故氏年二十守節撫孤艱窘特甚紡績以供朝夕繼爲子娶婦共操作益甚無怨言冰霜之節之死靡他

常氏交道村舉人張淇妻淇病篤氏割股合藥以進卒不起氏栢舟自矢甘食苦以終其身

徐氏李荃妻荃故時氏年十九一意殉夫數日不食經孀姑哀諭云汝夫既死汝又不欲生吾亦無意人世矣氏素知大義惻然以事姑自任躬代子職奉養一如平時無子以堂姪景清爲嗣

吳氏陳祿之繼室祿故氏年二十五殉夫未遂誓死靡他事孀姑孝謹撫前室子女如己出守節三十餘年

張氏馮同祿妻年十九夫故無出甘貧守節年七十五以飢餒卒此真所謂餓死事小矣

劉氏程輿妻夫故無出矢志守節伯氏有子女四孫五以仲孫名惠者爲之嗣一延一脈其平居教育兼施珍如己出後入邑庠

謝氏謝亭女趙寶田妻夫卒守節三十餘年

馮氏馮坤女劉近仁妻夫故守節三十餘年

## 良鄉縣志

卷五人物志 列女

五四

張氏劉紹忠妻守節三十一年

高杜氏夫臥病經年因俗有喜冲病之說甫娶歸夫遽卒翁姑勸其改適氏矢死不  
二擇族姪爲嗣上事翁姑下教子婦終身如一日鄉里賢之

馮氏務滋村馬國弼妻道光十八年夫故氏年二十九歲撫孤守節貞操凜然卒年六十有三

孫氏務滋村馬國相妻道光十八年夫故氏年二十六歲無出計守節四十餘年

陳氏琉璃河謝君恩妻道光三年夫故氏年二十五歲事孀姑至孝撫嗣子成立計苦節五十餘年

陳氏琉璃河程瑞妻道光十年夫故氏方二十一歲矢志守節有孀從姑在堂菽水承歡孝養無缺計苦節四十餘年

董氏在城甯雲岫妻道光二十一年夫故氏年二十九歲無出翁姑俱在堂氏日夜紡織以佐饗殮計孀居四十餘年節孝兼全鄉里稱之

李氏貢生改之女占家莊民人楊俊妻道光二十二年俊卒氏方二十三歲有子女

各一撫孤守節矢志不移卒年四十八

支氏在城文童魏良妻道光二十五年良故氏年二十二歲生遺腹子六歲而殤後以嫡堂姪士傑爲嗣上事衰翁以孝謹稱守節四十年呈請旌表入祀節孝祠

李氏石羊村旗人李棟女二十二歲歸駐防營玉魁爲室甫三月玉魁以疾卒氏慨然曰夫死本應身殉所以不死者以祖翁翁姑在堂情願代夫奉養旣而翁思子得疾纏綿牀褥氏晝夜侍湯藥並焚香告天祈以身代越數月翁疾愈人以爲孝感所致云

王氏太常寺署正孫有志妻十九歲歸有志越四年有志卒於京師遺一子氏携之歸良矢志守節事孀姑曲盡婦道節孝洵足多矣

王氏文童劉翰儒妻夫沒時氏年二十四歲無出矢志苦守姑患咽痛不飲食者六日氏割臂煎藥姑飲之立瘥孝誠所感可謂神矣

王氏石羊村武庠生曹大成母性慨爽明大義濟急救貧無吝色嘗出腴田百餘畝歸學校爲寒士膏火資卓識懿行巾幗罕有乾隆四十四年知縣張習爲立碑以

## 良鄉縣志

卷五人物志 列女

五五

表揚之碑在明倫堂前

陳氏民人永祥之女年十八適文童劉義義患痼疾氏刺指血書疏祈禱願減己算爲夫延壽義故氏年二十八矢志守節事翁姑以孝聞撫孤淮漢讀書有成氏之力也光緒元年沒年五十六歲

狄氏吳榮妻榮沒氏年三十計守節四十餘年

王氏羅榮妻道光十二年夫故氏年二十三有子一名文錦同治十年氏故守節三十九年

劉氏文童王忠妻庠生成樂成志之母也忠沒氏年二十有九冰霜自勵茹苦含辛光緒十年故守節三十五年

趙氏王成文妻成文咸豐五年故氏方二十四歲一子一女堂有翁姑家無恒產氏勤紡績供甘旨以孝聞

曹氏趙祥妻祥二十三歲卒氏與同庚苦節自矢五十餘年以兄子德壽嗣

盧氏庠生李振堂妻振堂卒氏年二十七歲氏死自守無子以姪爲嗣



劉孝女父玉麟城南劉平莊人女年二十喪母痛其父奉養無人遂守貞不嫁父病疽女割股肉和藥以進並取瘡膿置於剪口冀以身代父旋卒女未幾亦卒年五十歲光緒十四年詳請旌表

林氏蕭化政妻庠生林鶴鳴女也夫故時氏二十六歲守節撫孤事翁姑孝謹聞於鄉里云

武氏寶店鎮史國珍妻夫故氏年十九無子以堂姪玉成爲嗣教養兼至後入邑庠氏年七十四卒

崔氏寶店常孝先妻夫故氏年二十三無子以姪常珮爲嗣教育維勤旋入泮苦志守節七十三歲以壽終

李氏寶店張殿猷妻夫故氏年二十三教養其子振綱入泮苦節五十二年

郎氏寶店張佩蓮妻夫故氏年二十二撫孤守節五十三年

閻氏旺處村李成林夫故氏年二十四遺一子性絕癡撫養成立且孀姑在堂事之務得歡心堅志守節四十九年

## 良鄉縣志

卷五人物志 列女

五六

魏氏寶店苑懷川妻夫故氏年二十一無出翁姑在堂奉事維謹守節三十一年

高氏劉文棟妻事翁姑至孝撫遺孤甚慈計苦守三十餘年

王氏東關庠生劉順妻年二十六夫故堅苦守節三十年

劉氏魏珍妻年十九于歸珍故後氏事孀姑曲盡婦職所生子女先後夭殤以姪爲

嗣撫養成立柏舟自誓歷五十餘年光緒二十二年旌表

張氏燕谷里文童呂清瑞妻年二十六夫故孀姑年高遺孤穉弱零丁無依氏作苦倍於尋恒宗族鄰里無間言抱孫後子中歲亡兒婦王氏貞守孝行於姑有同志焉光緒四年循例報部呈請旌表沒年七十四

董氏內務府會計司莊頭楊希禮之妻內務府會計司郎中徵敬次女也年二十一夫故時姑年逾八旬子方六歲親近皆宦遊外省以無人起租誤課失差致貧氏不計艱苦仰事俯畜日以針黹供衣食母家每有餽遺輒不受甘自食貧足不出戶者五十一年七十二歲以壽終

邁氏于懷之妻同治十年永定河決成災夫外出乞食時翁年六旬赴村外拾柴薪

凍斃於野里人奔告邁邁方爲翁煮粥聞之奔赴視翁氣已絕因解己身衣覆翁身央鄰人舁歸至家禱於神竟復活

官氏石村廩生李占春妻夫亡有子一名振東甫三歲煢煢子立家貧僅遺產數畝氏親事芸耨以爲生活及子稍長誠之曰爾祖爾父盡讀書書香不可由爾斷絕今送爾入學宜自勉不然是我失教無面目見爾祖父於地下也計氏苦守三十餘年

孫氏南呂村楊二妻長社村孫成貴女也年十七于歸家貧無立錫地夫又無行外出歸不半載盡鬻其妝奩母家又落幾不能自存活或勸之改適泣且怒居母家數十載備歷艱辛卒無二志鄉里咸欽之

王氏長社村王得海妻早歲夫卒遺一子四歲姑又亡翁亦衰憊夫弟三人皆未婚薄田十數畝一家生計惟婦是賴夜勤針黹晝操井臼迄無怨言

劉氏太平莊賈國治妻早歲夫亡僅一女方三齡家無負郭田茅屋一椽聊避風雨賣鹽度日終無二心

## 良鄉縣志

卷五人物志 列女

五七

王氏長社村附生王廷佐妻年七十餘猶強健樂善好施持家勤儉夫早卒有子三人均游庠

郭氏務滋西地村劉惠妻夫早亡惟遺一女婦繩趨矩步動必以禮守節終身

王氏水碾屯王殿勳妻年二十守節至八旬猶強健焉

吳氏水碾屯姚慶雲妻同治元年夫故矢志守節以終其身

趙氏公村陳謙妻乾隆五十三年夫故氏年十九歲至道光十五年沒以夫弟祥之次子尙選爲嗣爲本邑武庠生

### 以上舊志

列女 民國十二年調查

列婦呂趙氏廩生呂恩綬之妻年六十七歲又呂朱氏世襲雲騎尉京汎候補守府呂鴻綬之妻年五十八歲又鴻綬子婦呂振聲之妻龔氏年二十二歲又鴻綬之女呂順姑年十九歲因鴻綬在京供職眷屬寓於京師光緒庚子拳匪肇禍聯軍入京鴻綬在職隨帝西巡不能兼顧該氏等見時勢危急全家止婦女老幼四口

男子在外存亡未卜咸謂居危險地不如全節以死呂趙氏等婦女四口遂於七月二十三日同時仰藥自盡節烈出於一門匪家之榮亦國之光也後奉旨旌表烈婦盧氏五里店張文元之妻適夫月餘其夫外出經商三年負疾還數日而卒該氏隨即服毒而死時氏年二十五歲以青年少婦值琴瑟之久違竟能倉卒之間斷以大義非素懷節烈者何克臻此古詩云貞節貴殉夫捨生亦如此其斯人之謂也

烈婦崔氏豆各莊宇文盛妻文盛曾於光緒年間供職於順天府戶科至光緒二十八年病故職所寄柩回里欲葬先塋而合族共阻之崔氏當問其故而合族答云汝死之日乃汝夫入塋之時也崔氏卽於是日自盡時年方二十四歲倉卒之間決然自斷嗚呼非死之難死以義爲難也故至今有道及之者無不爲之嘆惜云烈婦李氏崇各莊楊增煜妻也二十一歲于歸方一年其夫赴河南軍後改赴陝西充憲兵營書啓民國十二年七月病故而氏在家自守及聞伊夫噩耗痛不欲生家人防範偶失竟於晚間飲藥自盡

## 良鄉縣志

卷五人物志 列女

五八

孝女趙大姑城內趙毓秀之女三歲喪母七歲殤弟孤身從父度日家道貧寒該女佐以針黹以謀生活自母故後卽縞素終身誓不出嫁及父臥病晝夜侍側衣不解帶寢不安枕者數月並焚香告天願以身代其父沒女已三十八歲孤身獨處操守尤嚴幸賴同族供給衣食以生至六十歲病故光緒二十二年由縣請旌褒曰孝義兼全准其入祀節孝祠

于氏寶店生員張克寬之妻房山縣生員于連貴之女夫故時氏年方二十二歲計守節四十九年已蒙旌表

繩氏寶店武庠生顧子長之妻二十四歲夫故計守節四十六年鄉紳爲請旌表  
關氏交道村劉惠妻年二十歲夫故守節五十餘年經進士刑部主事李念茲曹志清詳請旌表其門

王氏交道村劉深妻年二十七歲夫故守節五十餘年撫子劉翰元讀書成立經進士刑部主事李念茲曹志清爲請旌表其門

林氏交道村張天培之妻林有雲之女光緒三年夫故時氏年二十歲現守節四十

餘年光緒三十三年經度支部主事魏延齡禮部主事聶寶琛詳請旌表其門  
吳氏本城張乃昌妻十九歲于歸甫三年夫病半年氏煎藥侍奉衣不解帶夫卒氏  
無所出矢志事翁姑朝夕勤謹及翁姑病時百般侍奉煎藥拭穢先意承志惟恐  
老親有不適處氏之節孝有足多焉夫叔權垣於光緒三十四年爲請旌表又令  
孫繼珍兼祧民國九年病故計守節四十餘年現已入祠

任氏宛平縣任成鑿之女良鄉劉彝之繼妻也年二十于歸二十三夫故遂矢志守  
節無出撫前生子女一如己出教養兼施不辭勞怨氏痛遭家不造日夜號泣淚  
枯繼之以血因之目爲之傷庚子變亂家中被搶數次知大難未已先遣幼孤寄  
居鄉曲子牽衣號泣不忍獨行氏含淚訓曰劉氏諸子所存者惟汝一脈不速去  
將同及於難則劉孝子之香煙豈不從此而絕耶因上代係貴州劉孝子後爲數百年世家故云速去勿  
貽我累遂託里人攜之而行迨法軍破縣城氏知事急盡棄所有惟身負先代遺  
像神主而逃甫出城門而法軍繼至同難者勸其拋去神像且保性命氏泣然曰  
人無祖先何以爲人願以身命共之幸禾苗在地得以隱藏卒免於難且性喜樸

## 良鄉縣志

卷五人物志 列女

五九

素不尙鉛華布衣荊釵躬操井臼卒年五十歲民國八年由紳鄰呈請褒揚旌曰  
彤管揚芬准入祀節孝祠

劉氏閻村恩富妻恩旺之祖母也夫故時氏年二十五歲祇有一子甫三歲借屋而  
居貧無立錫之地氏挑土擔糞以謀生活數年後稍有衣食乃爲子娶婦不意甫  
抱孫而子以病故當時孀婦幼孫無人撫養而氏乃愈苦矣日夜操作不憚辛勞  
至撫弱息以成立其節義凜然鄉里莫不敬重民國九年由官紳呈請褒揚蒙

大總統旌曰節勵松筠現已入節孝祠

徐氏葫蘆堡徐士魁之女適劉丈村生員支殿魁爲繼室夫故時氏年三十歲膝下  
生子女各一女僅四齡子未週歲該氏奉侍翁姑撫育子女及子支鎔稍長爲娶  
石羊王文澤女爲婦甫八月而子鎔又卒氏仰事俯畜苦操家務鄉里賢之民國  
十年經本區呈請旌表蒙

大總統旌曰節勵松筠准入祀節孝祠壽八十五歲無疾而終

王氏石羊村王文澤之女也適劉丈村支鎔爲室過門方數月鎔感疾氏親侍湯藥

服事周至夫故氏卽欲以身殉其父讎云上有孀姑奚得如是鎔葬時族人以氏青年不令入正穴氏力爭之誓以天日族人感其誠允之氏爲夫服斬衰執紼送靈守喪三載奉侍孀姑終無惰容其姑對於該氏慈愛異常無何以堂姪支士恒爲嗣經本區呈請旌表准入節孝祠

張氏王家莊高建中妻自二十九歲居孀守節已三十餘年民國九年呈請旌表

高氏長羊村王啓源之妻由二十五歲守節已歷四十餘年民國四年呈請旌表

趙氏長羊村王濱妻光緒辛巳年夫故氏年二十二歲計守節四十餘年宣統元年呈請旌表賜匾額曰清標彤管

王氏琉璃河九品銜王景雲之妻十七歲于歸同治十年景雲病歿時有孀姑在堂遺子尙幼未敢身殉矢志苦守迨後孀姑棄世殯葬如禮又復教子讀書早年入泮計守節三十六年光緒三十三年呈請旌表

楊氏花翎四品銜閻文藻之妻夫歿氏安貧耐苦守節訓子民國五年呈請旌表子二長恩榮次蔭榮並任警務長官詳文職察途

## 良鄉縣志

卷五人物志 列女

六〇

楊氏廩生閻德潤之妻由咸豐十年德潤病故氏年二十五歲事翁姑撫子女人皆稱賢光緒十九年呈請旌表七十二歲無疾而終

李氏蘇寶三之妻寶三於同治十年故氏時年二十八歲無子止二女以胞姪傑爲嗣愛如己出教養兼施苦歷冰霜四十餘載鄉里親族咸稱之民國六年呈請旌表現已入祠

吳氏長羊村王廷輔妻舉人吳士傑之胞姊也夫故時家道中落翁姑就衰子女尙在懷抱氏以餬口無資乃鬻其妝奩得值以貸於人而取其息以爲日用之費迨翁姑歿葬祭皆如禮女歸魏氏數月而死旋爲子娶婦而子逾年死而婦亦死以一身支持王氏門戶艱苦備嘗之矣數十年後以族姪烈嗣娶婦後而亦死吁天之報施善人固若是歟然冰霜自勵而志節彌芳光緒三十四年旌表

劉氏南洛村馬德俊妻也光緒三年夫故氏敬老慈幼矢志守節維持家務勞瘁不辭宣統三年呈請旌表

馬氏南洛村楊春齡妻自光緒十一年守節勤儉持家合族共仰民國元年呈請旌

表

范氏西南召村劉賀春之繼室于歸百日夫卒誓死不嫁上事翁姑下撫前妻子女  
孝慈兼至現守節已逾三十年民國十年旌表

朱氏東羊莊李蔭妻現年五十四歲十九歲于歸未及五月而夫卒氏忍痛奉事孀  
姑以婦職兼子道躬親操作持守彌堅獨與八旬老親相依爲命其節孝可以風  
矣民國十年戚里爲之呈請旌表

程氏琉璃河庠生呂棟之繼室同治二年八月棟病故是時氏年二十九歲生一子  
名振起方四歲賴氏撫育以成人振起娶尙氏生二子長鐸次鑑而尙氏卒繼娶  
劉氏無所出而振起又卒時劉氏年二十有八姑婦孀居家無恒產冰霜苦節鄉  
里稱賢至民國五年程年八十二歲以壽終今兩孫皆成立人皆謂苦節所報也  
王氏琉璃河文童呂椿之繼室二十七歲夫故七十七歲以壽終計守節五十年夫  
故之日家計艱難氏上事孀姑下撫幼子夙興夜寐操作不敢憚勞姑張氏家法  
甚嚴氏能怡色柔聲解姑之怒故姑得享大年長子蘊輝教之務農以承先業次

### 良鄉縣志

卷五人物志 列女

六一

子蘊華教之勤學以繼書香後蘊華採芹食餼中癸卯副車皆母之栽培也民國  
六年蒙

黎大總統褒揚節孝賜以節勵松筠匾額是時氏七十七歲已臥病在牀猶得目覩  
焉

閻氏南召材蘇會文之妻會文病故氏年二十七歲身無子女以姪爲嗣矢志守節  
勤於操作事翁姑以孝鄉里咸欽佩之已守節四十年

馬氏六股道村馬成龍之女侯家莊周文璧之妻二十八歲夫故堅貞自守壽九十  
終人皆以爲節孝所致云

閻氏王濯妻也世居長羊村二十一歲夫故氏自矢守節終身不渝

宋氏黃辛莊閻仲魁之妻也三十歲居孀一子尙幼家道貧寒遂矢志自守不憚艱  
辛人皆以節義稱之計守節已四十年

趙氏城內趙毓芹女生員霍昌妻也二十二歲于歸三十歲夫因外出客死他鄉止  
有四歲孤兒遂持志守節逐日以行善爲念鄰里咸欽敬焉卒年七十八歲

陳氏吳店禹祥之妻也二十一歲于歸二十六歲夫故無出矢志守節孝養翁姑以族姪禹國泰爲嗣現守節已三十餘年

宋氏縣城內薛錫壽妻夫病故氏年二十九歲矢志守節事孀姑以孝雖室如懸磬而節凜冰霜有遺腹女亦夭殤民國二年卒計守節三十年

劉氏黃辛莊閻桂珍妻氏年二十九歲夫外出不歸因攜子海榮居母家縫紉自給養子成人殊匪易也

龔氏夫劉八十三里人中年卒氏止一女薄田數畝紡紉自給二十餘年布衣疏食積有贏餘以所置田十五畝制錢七十緡助辨村差經村正等爲立碑以彰其義壽七十歲終

馬氏丁各莊楊桂枝妻青年夫亡遂柏舟矢志事舅姑撫孤弱以孝慈著舅姑歿哀毀盡禮教子舉讀書成人計守節已逾三十年

花氏丁各莊庠生許榮桂妻年二十五夫故子生方三日痛不欲生經族人力勸乃止自是上事翁姑下撫幼子鉛華屏謝不復歸寧其節孝可風矣

## 良鄉縣志

卷五人物志 列女

六一

賈氏劉平莊潘珠妻年十九夫歿撫孤成立現守節已逾四十年同里以玉潔冰清許之

洪氏莊頭村朱錫昱妻年二十九夫爲人誤傷死氏爲鳴冤遂柏舟自矢以夫姪孫志強爲嗣現守節已三十六年

許氏張氏許氏丁各莊村徐禎妻娣張氏徐祥妻楨祥兄弟同年歿是時許年二十四張年二十二俱矢志撫孤家貧紡織自給同辛共苦殆四十年閨門無詬諍聲鄉里賢之許現年七十四張現年七十

林氏莊頭村汪桐妻年二十六夫歿矢志靡他現年七十無嗣

李氏莊頭村律武妻年二十二夫亡冰霜苦節人無間言以夫兄子鏡爲嗣守節已四十餘年

孝女劉平莊人庠生劉勇立從姑也性貞不嫁篤孝事母母歿喪葬女一身任之若子焉現年六十有一爲從姪海立娶婦以養老云

李氏劉平莊崔萬才妻也夫早歿家貧縫紉養姑姑病日夜侍湯藥姑病劇氏割臂

和藥以進疾遂愈人謂至孝所致云

孫郭氏十三里農家婦也溫恭淑慎頗著賢聲由二十七歲居孀既無伯叔又無子女彼時翁姑在堂尤能善爲奉養迨翁姑相繼逝世所有營辦喪葬一切均該氏一人擔任故鄰里咸羨贊焉現年七十歲

林氏蕭家場蕭萬青之妻十六歲于歸十八歲生子文瀾十九歲夫歿氏上事翁姑得二老歡下育幼子文瀾入邑庠競競業業計苦節四十餘年六十有七以壽終朱氏任家營村游觀瑞之妻武舉人游從順之母也事親盡職撫子成名自二十六歲居孀卒年七十有五鄉里皆稱爲賢母云

賈氏十九歲適務滋村李景霖爲室歷二載夫亡時翁姑年逾六十地止沙田二十畝氏矢志不移上奉甘旨下理家務於光緒三十一年翁姑相繼辭世氏殯葬如儀無子以堂兄次子維清爲嗣計守節已三十餘年

王氏咸豐乙卯科舉人前任奉天興經廳教諭徐端妻也十七歲適徐十九歲生子汝賢未及彌月而夫故任所父母勸其改嫁氏同其夫弟徐輔對其父母誓曰吾

## 良鄉縣志

卷五人物志 列女

六三

夫一生清廉年逾六旬方生一子是天不泯其嗣也吾苦改適子必淪亡罪莫大焉善言謝絕父母矢志撫孤守節盡鬻衣飾器具由關外攜幼子扶柩旋里葬畢含辛茹苦門庭肅然子七歲氏病歿追思其青年弱質撫孤扶柩奔馳千里不泯其夫之嗣洵人之所難也故至今務滋村人猶稱道不衰云

王氏官莊庠生許炳華妻二十六歲夫故現守節已逾三十年

李氏務滋村徐繼增之妻適徐三載夫故時太翁孀姑在堂年皆衰老氏奉事謹慎後殯葬太翁孀姑皆如禮無出以族姪壽同承嗣其節孝有不可沒者

張氏辛莊戶魏朝元妻也夫歿時氏年二十四歲上有翁姑中有夫妹下遺子女各一而且家產經庚子馬賊焚燒搶掠慘不忍觀而氏堅貞自守經理數年家務始克就緒光緒三十四年殯葬翁姑宣統二年夫妹于歸皆料理至當現氏守節三十餘年艱苦可謂備嘗之矣

王氏侯家莊廩生崔良弼妻年二十七歲夫故氏矢志不二年逾五十子芳死婦蕭氏方在青年姑婦同守堅貞一門雙節氏壽至七旬無病而終子婦蕭氏現年六



十七歲已守節三十餘年

劉氏官道村高禧妻性溫厚尙樸質夫亡時氏二十六遺子二女一薄田二十畝氏矢志靡他躬親耕織後家計稍裕鄉里有不能婚葬恆竭力以周之又爲孫延師教讀斌塘相繼入泮壽至八十四而終

高氏石羊村黃承宗之母性仁厚素儉約事翁姑孝敬能先意承志賢婦也爲子延師恆勸之曰尊師受教戒浮華崇實學後子果入泮卒年七十九歲

郭氏廣陽城郭珍之女堅白自守母故佐父以撫五弟成立後以父老誓死不適人孝女也至民國十一年七十歲而終

王氏吳家莊陳兆麟妻也夫故時氏年三十無出只與孀姑度日家道雖艱而氏孝養始終不忘卒年七十一歲

殷氏吳家莊畢福謙之妻也夫病故時氏年二十二歲居孀侍奉翁姑訓迪二子矢死不嫁有柏舟之風焉

高氏吳家莊洪永和妻也青年守節矢死靡他卒年七十歲

## 良鄉縣志

卷五人物志 列女

六四

李氏吳家莊畢建生妻夫病故氏苦守冰霜卒年七十四歲

趙氏路村魯起泰妻夫喪逾年翁姑俱沒賴氏支持家務教子育孫婦道克盡與魯張氏爲娣姒行一時稱爲魯氏雙節云

張氏路村魯德泰之妻廿五歲守節家道貧寒更無子嗣該氏堅忍自持鄉里賢之郭氏路村李國治妻也年二十二居孀不數年子又歿只餘幼孫守泰守平二人氏堅忍不移終使克昌厥後七十八歲以壽終

史氏寶店強振堂之妻振堂於光緒十六年五月病故發喪前一日一子未週歲亦死氏云夫歿子喪已無生趣未亡人何苦多延歲月幾次覓死不克次年五月病誓不醫藥經晝夜而卒

張氏寶店趙旂之妻也夫病故氏年三十孝事翁姑名傳鄉里守節不貳以終其身李氏寶店楊恩榮妻十九歲時恩榮出亡在外至今未歸杳無音信氏堅守四十一年爲鄉里所欽佩

石氏寶店王殿文妻於光緒三十年有房邑捕快雙姓訪其夫值其夫他出氏出應

之伊言語間帶狎褻氏以惡言答復繼之以詈罵伊轉慙爲怒持鞭狠打辱沒難堪去時猶作恨聲云必尋王殿元而甘心焉氏思既受男子挫辱而又累及於夫固生不如死是夜服毒身死訟結未抵判以厚禮葬之

王氏寶店苑國福之妻二十四歲夫故氏矢志不移節操凜然孝順翁姑尤爲隣里所欽敬

趙氏七里店高登妻自二十七歲夫故冰霜自守於今三十餘年矣鄉里重之

趙氏寶店庠生丁起鳳妻二十七歲夫故至今矢志不移四十年如一日

張氏炒米店閻士尊妻也適閻甫四載而士尊病故氏立志守節至今已四十六年無出以族姪朋齡爲嗣

于氏由十九歲歸炒米店閻士隆爲妻過門未及三年而士隆故氏年方二十有一子希齡早卒乃以閻明承繼希齡後曾孫繞膝氏樂享含飴民國九年病故年六十九

張氏年六十四歲由光緒二年歸本城李紹曾爲妻光緒五年紹曾病故時該氏年

## 良鄉縣志

卷五人物志 列女

六五

僅二十以守節自矢至今已四十五年無出以夫姪殿榮爲嗣現文孫繞膝氏年雖老而康健如昔人皆以爲節孝之報云

蘇氏廩生王家弼妻也二十三歲適王氏相夫讀書研究今古最得翁姑之歡心其夫二十二歲以時疫病故時氏年二十有六慟夫以致失明其後孝翁姑敬妯娌加惠幼小倍加謹慎以爲婦人無夫婦職卽子職也無出以長門三子王桐承嗣後來分爨他人皆取財產之優者而該氏獨默不一言是以該氏所受之家產皆他人所棄餘嘗曰分居已爲不幸卽此亦是先人之餘業安坐而受之抱愧已多而敢爭乎近來王桐在京置有房產常欲迎養而該氏不欲以爲京師塵囂之地不如在家靜而樂也在家獨居後院一室衣食尤爲儉樸可爲閨門之模範矣今年七十有六而精神不衰鄉里咸欽敬之

李氏庠生何瑞璋妻年二十一歲歸何氏孝翁姑敬妯娌無不出之以誠光緒二十三年瑞璋病故時氏年二十有九遂立志守節歷三十年如一日

高氏禁衛軍軍官王炳之妻也性幽閑寡言笑過門一年有餘夫因病亡氏矢志靡

他雖歷盡辛苦而心如枯木其志亦可矜矣

吳氏本城杜朝翰之妻也由二十四歲適杜二十七歲居孀有子女各一氏苦守堅貞及女已擇配子已完婚方謂天祐窮嫠幸善人之有後乃子英賢壯年摧折又遺妻女以累高年氏逆來順受認爲己之命苦所致而怨尤悉泯此洵爲青年守節白首完貞者也現年八十八歲

劉氏杜英賢妻二十一歲于歸二十五歲而夫亡遺二女無子氏幼受庭訓惟知從一而終因此事孀姑撫幼女艱苦不辭彼柏舟之詩不啻爲斯人詠也

劉氏本城張煦之妻年二十五而夫亡該氏節孝自勵至老不衰今年七十餘矣而凜凜猶昔也

顧氏本城張仲之妻張葆元之子婦也氏適張越五月而夫亡家非素封又無子嗣而氏處此境遇心如金石惟知孝事翁姑佐理家政此外則不聞問焉清操如此匪但宗族之光亦閭里之榮也

史氏本城張文明之妻二十四歲夫故氏上侍翁姑以盡餘年下撫幼子以致成立

## 良鄉縣志

卷五人物志 列女

六六

迄今節凜冰霜心如皦日其清操懿範洵可風也且氏與張文元妻烈婦盧氏同屬妯娌節烈出於一門閭里有光矣

王氏本城史國彬之妻也由十九歲適史氏之門夫亡時氏方三十四歲無出家道又甚艱窘節勵冰霜今苦守已三十餘年幸有近族史緒憫其孤苦零丁情願迎養以盡殘年現年六十有五

翁氏本城庠生翁殿颺之女候選縣丞呂奎綬之妻夫故之時氏年廿九歲遺二子一女長子振棠未滿數歲次子文德猶在襁褓家無恒產盡鬻衣飾撫育子女堅白自矢卽至每食糠粃而不移其志長子中年殤撫次子成立計守節三十餘年孝女小馬村畢建奎之女也建奎無子止此女女母早故建奎屢與女擇配女俱婉言謝絕而以奉侍無人爲辭嗣建奎於光緒十九年病故除煩族人襄理含殮外而一切喪儀各盡其禮服闋後而議婚者踵至該女竟以奉祀乏人而誓志不嫁且遺產無幾女亦不以困苦之故稍變初衷凡春秋祭獻始終不忘復思長此以往而奉祀終歸斷絕遂請合族公議以堂姪孫寶全爲嗣奉父建奎之祀女親自

撫育現已五載而寶全十歲矣此可見該女之孝義兩全不易及也現年六十五歲

王氏豆各莊字文明妻夫歿時氏年二十二並無子女苦節自守已三十餘年

王氏小董村張淑妻也夫病故氏時年二十七翁姑在堂膝下止有一子不意其子至三十五歲又歿氏重遭不幸白首清高洵足稱也現年七十九歲

王氏清候選通判石鎮妻也年三十夫故時子景清方三歲有女四人亦皆幼氏守節不貳撫養子女成立其節操有足多者現年八十八歲

關氏長羊村王立忠妻十九歲守節光緒十四年六十八歲故計苦節五十年

劉氏琉璃河尹玉崑之妻十五歲適玉崑甫三年夫故該氏因身無所出誓以身殉因人勸阻而止氏乃以婦道代子職凡翁姑之服食起居無不先意承志五十年如一日

烈婦曹氏系出名門夙嫻閨訓年二十歲歸琉璃河鎮庠生楊斌榮爲繼配夫婦之間伉儷甚篤平日無戲語無惰容值斌榮染病時該氏衣不解帶奉侍甚周並敬

## 良鄉縣志

卷五人物志 列女

六七

禱於神明願損自己之壽算以愈夫病及事與願違至光緒二十年秋斌榮竟一病不起該氏於夫歿之時凡附於棺附於身者罔不經理周備不使稍留遺憾事畢該氏卽仰藥以殉凡人孰不有死似若人之從容就義曾有幾人哉

關氏係前清原任山西路安府協戎關清弼公之次女早歲讀書深明大義十九歲歸琉璃河鎮楊存需爲室過門甫經四月存需卽一病不起該氏本擬身殉惟因懷孕倘生男尙可延存需一脈因而未果及生女又痛不欲生復念翁姑年已垂暮仕宦遠方無人事奉該氏遂以婦代子職遂撫姪嵩紳爲嗣後翁歿於任所該氏扶柩歸葬原籍奉侍孀姑曲盡婦道今守節已三十餘載

趙氏大苑村趙廷連妻由二十四歲夫故計守節已四十餘年

于氏小馬村畢建興妻由二十七歲夫故止一子方四歲而氏矢死靡他卒撫孤成立克振先業

華氏廣陽城郭敞妻由二十八歲守節有子女各一而氏則節凜冰霜計苦守已三十八年

王氏元武屯趙鑑之妻由二十八歲守節子女各一俱幼而氏深諳大義矢志自守  
今苦節已三十餘年

李氏果各莊武庠生石景春妻由二十五歲居孀子方六歲而氏苦守至今已四十  
年

張氏閩志純妻二十八歲時夫歿無出以族孫明善承繼計守節六十餘年

馬氏趙銘之妻由同治五年守節至民國五年八十歲終歿之日遠近悲哀光緒三  
十二年旌表子三得泉得海得江

閩氏城內民女自幼失怙依老母弱弟度日二十七歲適本城陳繼明爲妻甫經七  
日氏夫他方服賈不幸患病身亡氏因此容貌不飾苦守冰霜距今已三十餘年  
吳氏本城翁錡之妻由二十九歲守節零丁孤苦計至今已四十餘年

劉氏在城閩貴以妻夫故於光緒十五年時氏年二十三歲撫養孤子教導有方今  
守節已逾三十年

胡氏官莊許炳圖妻二十歲適許二十八歲時夫故是時家甚貧苦又無所出矢志

## 良鄉縣志

卷五人物志 列女

六八

自守至今已四十年

張氏縣城東街封瑞妻張蘭堂之女也十七歲于歸家素貧氏親操井臼事姑以孝  
相夫以禮不數年姑與夫俱歿氏年二十二歲既無子女又乏養贍孑然一身依  
母舅爲生活戚黨有勸之再醮者則擯斥之聞人談穢褻語則走避其冰霜之節  
貞固之操出於至誠二十餘年如一日清宣統三年病歿時年四十八

白氏縣城東街趙福祥妻二十七歲夫歿遺一子甫五歲氏矢志自守奉親撫孤心  
力俱盡計守節已四十餘年

陳氏東關宋文華妻二十五歲夫故有子津一人甫三歲苦志自守數十年如一日  
現年六十八歲

屈氏紙坊村張和妻由三十歲守節無出以夫姪德懋承嗣計守節四十餘年

王氏縣城南萬里村人自青年守節至老不渝現年七十有四猶強健焉

陳氏炒米店蔡祥妻也十九歲于婦二十九歲夫歿無出以夫姪雲臺承嗣氏教養  
兼至撫如已出民國元年七十八歲以壽終計守節四十餘年

周氏北洛村尹忠妻由同治十一年守節迄今五十三年事親教子悉盡其道於今年過八旬精神尚健宣統元年戚里恭送匾額一方顏曰貞松不老云  
高氏平各莊張榮妻于歸後善事翁姑以孝婦聞於時茲年過七旬猶不辭勞苦民國十一年族黨爲勒碑以榮之

王氏下禪坊鄭永安妻夫卒無出家貧傭工自給計守節已三十餘年

高氏下禪坊鄭永德妻夫歿無出有田數畝誓死不渝四十年如一日

劉氏下禪坊王永安妻夫歿有子一人茹苦含辛苦志自守已三十九年

石氏下禪坊王勤之妻青年自守節勵松筠現年七十四歲

韓氏下禪坊龔永順妻夫歿撫子成立計居孀已三十餘年

劉氏琉璃河呂振起妻也自二十八歲夫故氏上事孀姑下撫子女家貧僅有薄田二十畝賴十指以謀生活其後殯姑嫁女皆賴氏經營一子務農一子學商現各有正業該氏之苦心概可見矣

張氏琉璃河呂特起妻夫故時遺二子一女長子讀書次子爲賈均能成立至今家

## 良鄉縣志

卷五人物志 列女

六九

道小康現年六十六歲精神尚健蓋冰霜苦節彼蒼常有以報酬也

游氏高舍村張儒珍妻二十六歲夫故有子義元方三週氏上事翁姑下撫弱子洵可謂孝慈兼盡節義無虧者也卒年六十三歲

王氏邢家塢周善清妻二十六歲夫卒氏仰事俯畜甘心守節迄今年已七旬人皆稱其賢德焉

王氏東羊莊馮瑞妻夫病氏割肉和藥以進及瑞卒矢死不渝以族姪馮景祥爲嗣計苦守已三十餘年

方氏豆各莊金九思妻也夫歿時氏方二十三歲一子方在襁褓氏勵志守節至今不渝

蕭氏現年七十九歲塔窪村蕭文龍之妻也夫歿時氏年二十九歲有子二長子幼殤次子蕭起尙在襁褓貧無立錐惟紙房母家是依冰霜勵節至今已五十年

王氏紙房村前清庠生蘇駿明之妻夫歿時氏年二十八歲無出以族姪振綱爲嗣柏舟自矢已三十餘年

劉氏邢家塢梁弼妻年二十歲夫卒無出以族姪爲嗣甘心苦守年七十以壽終  
王氏在城薛克勤之妻十九歲于歸甫三年克勤病故無出事孀姑二十餘年人稱  
至孝今以堂姪茂修承嗣已守節三十三年

陳氏塔窪村張淮妻由二十九歲夫故守節四十年

孝女孫志勤城內孫念祖女父病女割臂肉和藥父病以瘞

良鄉縣志

卷五人物志 列女

七〇

